

聖

學

心

法

聖學心法卷四

君道

禮臣下

易曰晉康侯用錫馬蕃庶晝日三接。晉為建盛之時。大明在上而下皆同德順

附。故為康侯。康侯。安國之侯也。錫馬蕃庶晝日三接。言多受大賜而顯被親禮也。晉取附

自上下下其道大光。自上而降已以下下其道之大光也。且示德

詩曰采芣采芣筐之芎之。君子來朝何錫予之雖無予之。

路車乘馬又何予之。玄衣及黼。芣音甫。○芣。大豆也。君子諸侯也。路車。金

袞。古本切。黼音甫。○芣。大豆也。君子諸侯也。路車。金路象路也。玄衣。玄衣而畫以卷龍也。黼如斧形。刺之

於衮也。言采葢則以蓬蒿盛之。君子來朝則必有以錫予之。又言今雖無以錫予之。然已有路車乘馬。衣衾及繡之賜矣。其言如此者。由其好之無已。意猶以為薄也。是音采利七古切。葢平聲。好去聲。

鴈沸檻泉言采其芹。君子來朝言觀其旂。其旂淠淠。

鸞聲嘒嘒載駟載駟。君子所屆。感音必沸音弗檻胡

潮旂巨依切。淠匹弊切。嘒呼惠切。駟七南切。○感沸泉出貌。檻泉正出也。芹水草可食。淠淠動貌。嘒嘒聲也。屆至也。言感沸檻泉則言采其芹矣。諸侯來朝則言觀其旂。見其旂聞其鸞聲。又見其馬則知君子之

至於  
是也。

赤芾在股邪幅在下。彼交匪紆。天子所予。樂只君子。

天子命之樂只君子。福祿申之。紆音弗幅音通紆音舒予音與樂音洛只音

音止。○脛本曰股。邪幅。偏也。邪經於足。如今行膝交際際。紆。緩也。言諸侯服此芾幅見於天子。恭敬齊邀。

不敢紆緩。則為天子所予而申之以福祿也。服形定切。祿音騰。齊皆齊二音。速音速。

汎汎楊舟。緜緜維之。樂只君子。天子葵之。樂只君子。

福祿膍之。優哉游哉。亦是戾矣。汎芳劒切。樂音洛。只音

止。膍頻尸切。緜緜皆繫也。葵揆度也。戾厚戾至也。言汎汎楊舟。則必以緜緜維之。樂只君子。則天

子必葵之。福祿必膍之。又歎其優游而至也。並東莊篇。○詳音律繫明計切。戾徒各切。

禮記曰。大臣不可不敬也。是民之表也。邇臣不可不慎也。

是民之道也。大臣不可不敬者。以其為民之儀表也。邇臣不可不慎者。以君之好惡係焉。民

之所從以為道者也。○好惡並去聲。

孝經曰。昔者明王之以孝治天下也。不敢遺小國之臣。而

況於公侯伯子男乎。小國之臣至卑者。主尚接之以禮。况五等之諸侯乎。傳二章。

荀子曰。國將興。必貴師而重傳。貴師而重傳。則法度存。大

篇

諫諍輔拂之人。社稷之臣也。國君之寶也。明君之所

尊厚也。

臣道篇。○拂讀為弼。

說苑伊尹曰。君之所以不名臣者。四諸父。臣而不名。諸兄

臣而不名。先王之臣。臣而不名。盛德之士。臣而不名。

是謂大順也。

臣術篇。

人君欲平治天下而垂榮名者。必尊賢而下士。

尊賢篇。

子貢曰。貴而禮賤。則百姓戴之。

善說篇。

淮南子曰。遇士無禮。不可以得賢。

漢賈誼曰。自王侯三公之貴。皆天子之所改容而禮之者也。

遇之有禮。故群臣自憚。

憚。許里切。

張猛曰。聖王之於大臣。進之以禮。退之以義。

晉武帝曰。崇敬師傅。所以尊道重教也。

並通鑑綱目。

宋歐陽脩曰。能以非常之禮待人。人臣亦將以非常之効

報國。

文集。

司馬光曰。古之聖王。尊禮黃髮。屬任以政者。蓋以更歷

天下之事。練習為治之體故也。

文集。○屬。味欲切。更古衡切。

胡寅曰。自古人君待遇臣下。其禮雖一。然嚴威儼恪常

施於牙爪甲冑之士。以折其驕悍難使之氣。柔巽謙  
屈。常施於林壑退藏之人。以厲其廉靖無求之節。故  
能駕馭人才。表正風俗。通鑑綱目。悍住幹切。

朱子曰。大臣不親細事。以道事君。得以自盡。故官屬衆  
盛。足任使令。所以為勸大臣之道也。盡其誠而恤其  
私。則士無仰事俯育之累。而樂趨事功。故忠信重祿  
所以為勸士之道也。中庸或問。平聲。樂音洛。

### 明賞罰

易曰。雷電噬嗑。先王以明罰勅法。

噬市制切。嗑胡臘切。雷電相須。雷明而雷威。

也。先王觀雷電之象。法其明與威。以明其刑罰。飭其法令。法者。明事理而為之防者也。噬生象傳。

書臯陶曰。天命有德。五服五章哉。天討有罪。五刑五用哉。

政事懋哉懋哉。

陶餘招切。○章。顯也。五服。五等之服。白九章以至一章是也。言天命有德。

之人。則五等之服以章顯之。天討有罪之人。則五等之刑以懲戒之。蓋爵賞刑罰。乃人君之政事。君主之。

臣用之。當勉勉而不可怠者也。虞書臯陶謨。

康王曰。旌別淑慝。表厥宅里。彰善癉惡。樹之風聲。弗率

訓典。殊厥井疆。俾克畏慕。

別。必列切。慝。惕德切。癉。音重。○淑。善。慝。惡。癉。病也。表。

異善人之居里。如後世旌表門閭之類。顯其為善者而病其為不善者。以樹立為善者風聲。使顯於當時。

而傳於後世。所謂旌別也。其不率訓典者。則殊異其井里疆界。不得與善者雜處。使能畏為惡之禍。而慕

為善之福。所謂別慝也。周書畢命。○在土序。

春秋左氏傳。晉長魚矯曰。不施而殺。不可謂德。臣偏不討。



不可謂刑

不施德而遽殺。臣偏君而不討。非所以御姦究也。德刑不立。姦究並至。成公十八年。

蔡歸生曰。善為國者。賞不僭。刑不濫。賞僭則懼及淫人。

刑濫則懼及善人。若不幸而過。寧僭無濫。與其失善。

寧其利淫。

善治國家者。行賞不僭。及於無德。用刑不濫。及於無罪。恩賞僭差。則恐及於淫僻之人。

刑罰泛濫。則恐及於善良之人。若不幸賞刑有過差之舉。寧可僭於用賞。而不可濫於用刑。與其濫刑而失於善人之用。寧其僭賞而為淫人之利也。

古之治民者。勸賞而畏刑。恤民不倦。賞以春夏。刑以

秋冬。是以將賞為之加膳。加膳則飫賜。此以知其勸

賞也。將刑為之不舉。不舉則徹樂。此以知其畏刑也。

飫。依據切。○古之為國治其民者。樂於行賞。憚於用刑。愛恤其民。不敢倦怠。順春生夏長之時。以行其賞。

順秋冬肅殺之時以行其刑。將行賞也。為之致喜。加於常膳。加膳之道。則酒食之餘。賜其臣下。無不厭飲。即此喜心。可以知其樂於行賞也。將行刑也。為之致憂。不舉咸饌。不舉之道。則聲樂之類。皆不忍聞。即此憂心。可以知其畏於用刑也。並案公二十六年○聲樂之樂如字餘音洪

禮記王制曰。爵人於朝。與眾共之。刑人於市。與眾棄之。音朝

潮○必共之者。所以審慎之也。

國語魯臧文仲曰。善有童雖賤賞也。惡有嬰雖貴罰也。許

切石

荀子曰。賞不行則賢者不可得而進也。罰不行則不肖者

不可得而退也。富國篇

德不稱位。能不稱官。賞不當功。罰不當罪。不祥莫大

焉

正論篇○稱  
當並去聲

說苑宋司城子罕曰國家之危定百姓之治亂在君行之

賞罰也賞當則賢人勸罰得則姦人止賞罰不當則

賢人不勸姦人不止姦邪比周欺上蔽主以爭爵祿

不可不慎也

君道篇○當  
比並去聲

太公曰賞賜不加於無功刑罰不施於無罪不因喜以

賞不因怒以誅

孔子曰有功而不賞則善不勸有過而不誅則惡不懼

劉向曰誅賞者所以別賢不肖而列有功與無功也故

誅賞不可以謬誅賞謬則善惡亂矣

並政理篇○  
謬靡切切

漢賈誼曰。慶賞以勸善。刑罰以懲惡。先王執此之政。堅如

金石。行此之令。信如四時。據此之公。無私如天地。

荀悅曰。賞罰。政之柄也。人主不妄賞。非愛其財也。賞妄行。則善不勸矣。不妄罰。非矜其人也。罰妄行。則惡不懲矣。

杜欽曰。刑賞大信。不可不慎。

並通鑑綱目

爰延曰。王者賞人必酬其功。罰人必甄其德。

後漢書○甄之人切

蜀漢張裔曰。賞不遺遠。罰不阿近。爵不可以無功取。刑不

可以貴勢免。

通鑑綱目

晉羊祜曰。德未為人所服。而受高爵。則使才臣不進。功未

為人所歸而荷厚祿則使勞臣不勸。本傳○荷

陳壽曰盡忠益時者雖仇必賞犯法怠慢者雖親必罰

諸葛亮傳贊

唐太宗曰自古帝王多任情喜怒喜則濫賞無功怒則濫

殺無罪是以天下喪亂莫不由此。貞觀政要

防其害源開其利本顯罰以威之明賞以化之威立

則惡者懼化行則善者勸適己而妨於道不加祿焉

逆己而便於國不加刑焉故賞者不德君功之所致

也罰者不怨上罪之所當也。帝範○

魏徵曰刑濫則小人道長賞謬則君子道消小人之惡

不懲君子之善不勸而望治平刑措非所聞也。長上聲

靡切

用得正人為善者勸誤用惡人不善者競進賞當其勞無功者自退罰當其罪為惡者戒懼故知賞罰不可輕行用人彌須慎擇。並自觀政要當去聲

魏元忠曰賞者禮之基罰者刑之本禮崇則謀夫竭其能賞厚則義士輕其死。唐書

張蘊古曰衆棄而後加刑衆悅而後行賞弱其強而治

其亂伸其屈而直其枉。大寶歲

陳子昂曰勞臣不賞不可勸功死士不賞不可勸勇。唐書

楊相如曰。法貴簡而能禁。罰貴輕而必行。通鑑綱目

陸贄曰。行罰先貴近而後卑。遠則令不犯。行賞先卑遠而後貴近。則功不遺。

信賞必罰。霸王之資。輕爵重刑。衰亂之漸。信賞在功。無不報。必罰在罪。無不懲。非功而獲爵。則爵輕。非罪而肆刑。則刑褻。爵賞刑罰。國之大綱。一綱或禁。萬目

皆弛。勢數文切

理國化人。在於獎一善。使天下之為善者。勸罰一惡。使天下之為惡者。懲。是以爵人必於朝。刑人必於市。惟恐衆之不覩。事之不彰。朝音

賞罰之馭衆也猶繩墨之於曲直權衡之揣輕重軌

軌之所以行車銜勒之所以服馬也

並奏議○揣楚委切軌研莫切

軌魚殿切

柳宗元曰聖人之為賞罰者非他所以懲勸者也賞務

速而後有勸罰務速而後有懲文集

宋歐陽脩曰治天下在明號令正朝廷在脩紀綱號令所

行紀綱所振由人主有賞罰之柄也

朝音

賞罰者天子之權也若號令不信賞罰不當則天下

不服

並文集○當去聲

司馬光曰政之大本在於刑賞刑賞不明政何以成治



通鑑

賞不因喜罰不因怒賞必有所勸罰必有所懲則天下何得不治。

恩雖至厚而人不敢妬者何也衆人之所與也罰雖至重而人無所怨者何也衆人之所惡也。並文集。惡去聲。

蘇軾曰堯舜禹湯文武成康之際何其愛民之深憂民之切而待天下以君子長者之道也。有一善從而賞之。又從而咏歌之。所以樂其始而勉其終。有一不善從而罰之。又從而哀矜懲創之。所以棄其舊而開其

新。文集。長上。聲。樂音洛。

范祖禹曰。天子所以制御天下者。賞善罰惡。辨是非。枉

直。使人各當其所。物各安其分。而不相陵暴也。唐鑑

分並去聲

胡寅曰。古之明君。不賞私勞。不罰私怨。蓋不以一身而

害天下公義也。致堂管見

鄭竄曰。無功者受賞。則何以旌有功之士。有罪者假寵

則何以服無罪之人。

徐宗仁曰。賞罰軍國之紀綱。賞罰不明。紀綱不立。並不

心學曰。位曰天位。職曰天職。祿曰天祿。凡人君之用人

而授以職位。無非天也。有德天命。有罪天討。凡人君

之賞罰而當其功罪亦無非天也。若心學不明處事失宜則賢否不分有功者不用有罪者不知賞非其所當賞罰非其所當罰非所以順天道也。天道順與不順天下治亂之所關。天命去留之所繫也。可不懼乎。當其之當去聲餘如字處上聲

### 慎刑

易曰山下有火賁君子以明庶政無敢折獄

山下有火庶類皆被光明

賁飾之象也。君子觀其明照之象以脩明其庶政成文明之治而無果敢折獄也。折獄者人君之所致慎也。豈可恃其明而輕自用乎。乃聖人之用心也。蓋內離明而外艮止故以用明為戒。責其修也。

山上有火旅君子以明慎用刑而不留獄。火之在高

君子觀明照之象。則以明慎用刑。明不可恃。故戒於慎。謂之不留獄。蓋獄乃不得已而設。民有罪而入。豈可留滯淹久也。律考傳

澤上有風。中孚。君子以議獄緩死。澤上有風。感于澤

君子觀其象。以議獄。與緩死。君子之於議獄。盡其忠而已。於決死。極於惻而已。故誠意常求於緩。緩。寬也。

君子無不盡其忠。此又最大也。中孚象傳

書舜典曰。象以典刑。流宥五刑。鞭作官刑。扑作教刑。金作

贖刑。眚災肆赦。怙終賊刑。欽哉。欽哉。惟刑之恤哉。音宥

又扑。普卜切。贖。神蜀切。眚。所景切。○象。如天之垂象。以示人。而典者。常也。示人以常刑。所謂墨。劓。剕。宮。大

辟。五刑之正也。宥。寬也。流。宥五刑者。流遣之。使遠去也。鞭。木末無華。官府之刑也。扑。夏楚二物。學校之刑

也。皆以待夫罪之輕者。金。黃金。贖。贖其罪也。肆。縱也。音。謂過誤。哭。謂不辜。若此者。不待流。宥。金。贖。而直赦

之也。賊殺也。怙謂有恃。終謂再犯。若此者。雖當宥當贖。亦不許其宥。不聽其贖。而必刑之也。聖人立法制刑之本末。此七言者。大畧盡之矣。雖其輕重取舍。陽舒陰慘之不同。然欽哉欽哉。惟刑之恤之意。則未始不行乎其間也。制以智。切刑乎木。切辟以

舜命皋陶曰。汝作士。明于五刑。以弼五教。期予于治。刑

期于無刑。民協于中。時乃功。皋陶為士師之官者。能

明五刑以輔五品之教。而期我以至於治。其始雖不免於用刑。而實所以期至於無刑之地。故民亦皆協于中道。初無有過不及之差。則刑果無所施矣。凡此皆汝之功也。

皋陶曰。罰弗及嗣。賞延于世。宥過無大。刑故無小。罪疑

惟輕。功疑惟重。與其殺不辜。寧失不經。世皆謂子孫。

延。逮及也。父子罪不相及。而賞則逮延于世。其善善長而惡惡短如此。過者不識而誤犯也。故者知之而

故犯也。過誤所犯。雖大必宥。不忌故犯。雖小必刑。若  
罪已定矣。而於法之中有疑。其可重可輕者。則從輕。  
以罰之功已定矣。而於法之中有疑。其可輕可重者。  
則從重。以賞之。事。罪。經。常。也。謂。法。可。以。殺。可。以。無。殺。  
殺。之。則。恐。陷。於。非。辜。不。殺。之。恐。失。於。輕。縱。二。者。皆。非。  
聖人至公至平之意。而殺不辜。尤聖人之所不忍。故  
與其殺之而害彼之生。寧姑全之而自受失刑之責。  
此仁愛忠厚之至。所謂好生之德也。五刑書大無辜。  
○ 惡惡上去聲  
下如字如去聲

武王曰。惟乃丕顯考文王。克明德慎罰。

明德。務宗之。謂。謹。罰。務。

去上聲。失之謂。

嗚呼。封。敎。明。乃。罰。人。有。小。罪。非。青。乃。惟。終。自。作。不。典。

式。爾。有。厥。罪。小。乃。不。可。不。殺。乃。有。大。罪。非。終。乃。惟。青。

災。適。爾。既。道。極。厥。辜。時。乃。不。可。殺。

青。所。景。切。辜。音。孤。式。用。通。偏。也。人。

有小罪。非過誤。乃其故為亂常之事。用意如此。其罪雖小。乃不可不殺。人有大罪。非是故犯。乃其過誤出於不幸。偶爾如此。既自緣道。盡輸其情。不敢隱匿。罪雖大。時乃不可殺。此蓋武王誥康叔以慎罰之意也。

要囚。服念五六日。至于旬時。不赦要囚。

要。去聲。○要。四。獄辭之要。

者也。服。念。服膺而念之。旬。十日。時。三月。為囚求生道也。赦。謝也。五。周書。康誥。○為去聲。新。布。號也。

周公曰。今文子文孫孺子王矣。其勿誤于庶獄。惟有司

之牧夫。

文子。文孫者。成王。武王之文子。文王之文孫也。成王之時。法度彰。禮樂著。守成而文。故曰。

文。刑者。天下之重事。挈其重而獨舉之。使成王尤知刑獄之可畏。必專有司牧夫之任。而不可以己誤之也。周書。

五刑。

穆王曰。士制百姓于刑之中。以教祗德。穆穆在上。明明

在下。灼于四方。罔不惟德之勤。故乃明于刑之中。率

又于民罪彛

彛數尾切。彛命卑賤為士師。制百姓于刑辟之中。所以檢其心而教以祇德。

也。穆穆者。和敬之容也。明明者。精白之容也。灼于四方者。穆穆明明。光輝發越而四達也。君臣之德昭明如是。故民皆觀感動藩而不能自己也。如是而猶有未化者。故士師明于刑之中。使無過不及之差。率以其民輔其常性。所謂刑罰之精華也。

雖畏勿畏。雖休勿休。惟敬五刑以成三德。一人有慶。

兆民賴之。其寧惟永。

畏。威也。休。息也。雖。我雖以為辟。爾。惟勿辟。我雖

以為宥。爾。惟勿宥。惟敬于五刑之用。以成剛柔正直之德。則君慶于上。民賴于下。而安寧之福其永久不替矣。

替矣。時

非佞折獄。惟良折獄。罔非在中。

佞。乃定切。罔。非。口才。辨。恰之人也。

可以折獄。惟溫良長者視民如傷者。能折獄。而無不在中也。長。上聲。



朕敬于刑有德惟刑

朕敬于刑者畏之至也。有德惟刑者厚之至也。言有德及於民。

者。惟此刑耳。又川書曰刑。○嘗觀夏桀無有仁愛。但為殺戮。萬方百姓。被其凶害。天乃命成湯伐之。商紂無道。作威殺戮。至為炮烙之刑。以毒病四海。武王則恭行天罰。以滅之。夫桀紂之所以亡。湯武之所以興。亦曰仁與不仁而已。今穆王以老荒之年。而於呂刑一書。哀矜惻怛之意。反覆詳盡。湯武忠厚之遺風。猶可想見也。後之用刑者。宜鑒於此。此書。○又書。○人者。其老。其幼。其能。其不能。其初。其力。其仁。其不仁。其富。其貧。其貴。其賤。其各

春秋左氏傳晉狐突曰刑之不濫君之明也

突吐誅切。○刑罰責乎得

中也。若用刑罰不至於濫。此君德之明也。

卜偃曰周書有之乃大明服已則不明而殺人以逞不

亦難乎民不見德而惟戮是聞其何後之有

周書原

能大明其罰。則民服。今不明於德。而殺戮無罪。以逞其欲。不亦難以安靖國家乎。民不被其仁愛。而惟聞

其刑戮何以能有其後  
戰。五倍公二十三年

禮記曲禮曰。八十九十曰耄。七年曰悼。悼與耄雖有罪不

加刑焉。耄莫報切。悼杜到切。耄。昏忘也。悼。憐愛也。謂幼者愛之。老者尊之。故不加刑。忠厚仁愛

之至也。

王制曰。司寇正明刑辟。以聽獄訟。必三刺。有旨無簡不

聽。附從輕。赦從重。辟。毗亦切。刺。七四切。司寇。執官卿。掌刑者也。辟。罪也。必三刺者。求

民情。新獄訟之中。一曰訊羣臣。二曰訊羣吏。三曰訊萬民。簡。誠也。謂有其意無其誠。不論以為罪。附。施刑

也。於是求出之。使從輕。赦從重者。雖罪可重。猶赦之也。新。都玩切。訊音信。

凡制五刑。必即天論。郵罪麗於事。郵音尤。制。斷也。即。就也。此言制五

刑之用。非私已而為之也。必即天論。則與天意合。而輕重取舍無不公矣。郵。過也。麗。附也。又言人有過。則

罰之。罰當合附於其事。不可假他以喜怒。  
甚言刑罰之不可輕也。新都玩切舍上聲。

凡聽五刑之訟。必原父子之親。立君臣之義。以權之。

意論輕重之序。慎惻淺深之量。以別之。悉其聰明致

其忠愛以盡之。疑獄記與衆共之。衆疑赦之。必察大

小之比以成之。  
別。必列切。記。孚梵切。秋官小司寇以五刑聽獄訟。惟平之也。意思念也。

淺深謂俱有罪。本心有善惡也。盡盡其情也。小大猶輕重。已行故事曰比。

大司寇以獄之成告於王。王命三公參聽之。三公以

獄之成告於王。王三又然後制刑。  
參。倉含切。司寇以獄訟之成告於

王。王不敢輕用刑罰。乃命三公復與司寇共平之。三公以獄訟之成告於王。王又不敢輕。乃三又之。又宥

也。三宥其罪。然後制之以刑。蓋唯恐刑罰之過也。在教入曰斷。却玩切。

刑者例也。例者成也。一成而不可變。故君子盡心焉。

例音刑。○例。形體也。刑之所以為刑。猶人之有例也。一辭不具。不足以為刑。一體不備。不足以成人。辭之所成。則刑有所加。而不可變。故君子盡心焉。盡心者。詳審之。而不敢輕用也。

周禮司刺掌三刺三宥三赦之法。以贊司寇聽獄訟。壹刺

曰訊群臣。再刺曰訊群吏。三刺曰訊萬民。壹宥曰不

識。再宥曰過失。三宥曰遺忘。壹赦曰幼弱。再赦曰老

旄。三赦曰蠢愚。以此三法者。求民情。斷民中。而施上

服下服之罪。然後刑殺。刺七四切。訊音信。旄。同。蠢。愚。民。無。知。者。則。宥。之。過。失。若。今。過。失。殺。人。不。坐。死。遺。忘。若。間。惟。薄。忘。有。在。焉。而。以。兵。刃。殺。之。幼。弱。老。耄。若。今。年。未。滿。八。歲。八。十。以。上。非。手。殺。人。他。物。不。坐。蠢。愚。生。而。癡。騷。者。求。民。情。斷。民。中。凡。行。刑。必。先。規。議。所。刑。

愚。民。無。知。者。則。宥。之。過。失。若。今。過。失。殺。人。不。坐。死。遺。忘。若。間。惟。薄。忘。有。在。焉。而。以。兵。刃。殺。之。幼。弱。老。耄。若。今。年。未。滿。八。歲。八。十。以。上。非。手。殺。人。他。物。不。坐。蠢。愚。生。而。癡。騷。者。求。民。情。斷。民。中。凡。行。刑。必。先。規。議。所。刑。

愚。民。無。知。者。則。宥。之。過。失。若。今。過。失。殺。人。不。坐。死。遺。忘。若。間。惟。薄。忘。有。在。焉。而。以。兵。刃。殺。之。幼。弱。老。耄。若。今。年。未。滿。八。歲。八。十。以。上。非。手。殺。人。他。物。不。坐。蠢。愚。生。而。癡。騷。者。求。民。情。斷。民。中。凡。行。刑。必。先。規。議。所。刑。

之處乃後行之。故官。○問去聲。  
後知。○後行。○故官。○問去聲。

論語子曰刑罰不中則民無所措手足。

中。去聲。○吳仲迂曰。刑過則淫。禍及

君子。舉其害之重者言之。刑罰所及。非不善之人。則民莫知趨避之路矣。將安所置其手足乎。○子路篇

不教而殺謂之虐。

虐。謂殘酷不仁也。○先曰篇

孟子曰不嗜殺人者能一之。

蔡模曰。好生不嗜殺。天地生物之心也。必得天地此心。然

後可為天之子。為民之父。母此萬世人牧之龜鑑也。

今夫天下之人牧。未有不嗜殺人者也。如有不嗜殺

人者。則天下之民皆引領而望之矣。

夫音扶。○人牧。謂牧民之君也。

領。頸也。蓋好生惡死。人心所同。故人君不嗜殺人。則天下悅而歸之。○蘇軾曰。觀孟子以來。自漢高祖及

光武。及唐太宗。及我太祖皇帝。能一天下者。四君皆以不嗜殺人致之。其餘殺人愈多。而天下愈亂。秦晉

及隋力能合之而好殺不已故或合而復分或遂以  
亡國孟子之言豈偶然而已哉好惡五士聲復執人

左右皆曰可殺勿聽諸大夫皆曰可殺勿聽國人皆

曰可殺然後察之見可殺焉然後殺之故曰國人殺

之也張子謫曰可殺者蓋如舜之於四凶孔子之於

之言非已殺之因國人之公

家語曰聖人之設防害以其不犯也制五刑而不用所以至

治也設刑法以防閑於民貴其不犯也

荀子曰不教而誅則刑繁而邪不勝富國篇

說苑曰刑者非聖王之所貴也是以聖王先德教而後刑

罰。

王者尚其德而希其刑。

史鯀曰：聽獄不中，死者不可生也；斷者不可屬也。故曰：

大理為務。

鯀音秋。中去聲。屬之六切。大理，理獄之職也。凡用刑不可輕，必使大理以詳察之。

然後刑罰得中。所以其職為要務也。五政理屬。

漢文帝詔曰：今人有過，教未施而刑已加，欲改行而無繇，

至朕甚憐之。夫刑至斷支體，刻肌膚，終身不息，何其

痛而不德也。豈為民父母之意哉！其除肉刑。

行胡孟切。繇，由。

同。夫音扶。齊太倉令淳于意有罪當刑，其少女緹縈上書曰：妾父為吏，齊中皆稱其廉平。今坐法當刑，妾傷夫死者不可復生，刑者不可復屬。雖欲改過，其道無繇。願沒入為官婢，以贖父刑。文帝憐之，乃詔除。

由刑。是時刑罰大省。至於新獄四百。有刑措之風者。良以此然。少去聲。於音。提復。數又切。無邪。死切。

景帝詔曰。獄重事也。人有智愚。官有上下。獄疑者。讞有司。有司不能決。移廷尉讞。而後不當讞者。不為失欲。

令治獄者務先寬。

職語。寔切。今平聲。

章帝詔曰。往者以來。掠者多酷。鈇鑕之屬。慘苦無極。念

其痛苦。惻然動心。宜及秋冬治獄。明其為禁。

並通鑑綱目。

鈇其廉切。鎖祖官切。牀尺律切。

張釋之曰。廷尉天下之平也。壹傾天下用法。皆為之輕。

重。民安所措手足。

釋之為廷尉時。文帝出行。中渭橋。有一人從橋下走。乘輿馬驚。捕屬

廷尉。釋之奏犯。罪當罰金。上怒。釋之曰。法者。天子所與天下公共也。今法如是。更重之。是法不信於民也。



且方其時上使使誅之則已。今已下廷尉。廷尉。天下之平也。壹傾天下用法皆為之輕重。民安所措手足。惟陛下察之。文帝良久曰。廷尉當是也。其後有盜高廟。王瓘得下廷尉治。釋之。奏當棄市。文帝大怒曰。人無道。乃盜先帝器。吾欲致之族。而君以法奏之。非吾所以奉宗廟意也。釋之謝曰。法如是而族之。假令愚民取長陵一抔土。何以加其法乎。文帝乃許之。○楊時曰。釋之之論犯蹕其意善矣。然曰。方其時上使使誅之。則已是。開人主妄殺人之端也。既曰。法者天子所與天下公共。則犯法者。天子必付之有司。以法論之。安得越法而擅誅乎。宋去聲。

使使上如字下去聲令平聲

賈山曰。節用愛民。平獄緩刑。天下莫不說喜。

說音悅

賈誼曰。秦使趙高傳胡亥而教之獄。所習者非斬劓人。則夷人之三族也。故今日即位而明目射人。忠諫者謂之誹謗。深計者謂之妖言。其視殺人若艾草菅然。

豈惟胡亥之性惡哉彼其所以道之者非其理故也

鄙諺曰前車覆後車誡

射音石  
艾音刈  
皆音開

湯武置天下於仁義禮樂里子孫數十世此天下所  
共聞也秦王置天下於法令刑罰禍幾及身子孫誅  
絕此天下所共見也是非其明効大驗邪人之言曰  
聽言之道必以其事觀之則言者莫敢妄言今或言  
禮義之不如法令教化之不如刑罰人主胡不引殷  
周秦事以觀之也

累音賴切  
美音機

董仲舒曰王者欲有所為宜求端於天天道之大者在  
陰陽陽為德陰為刑刑主殺而德主生是故陽常居

大夏而以生育長養為事。陰常居大冬而積於空虛。不用之虞。以此見天之任德不任刑也。王者承天意以從事。故任德而不任刑也。長上聲

路溫舒曰：省法制，寬刑罰，則太平之風可興於世。初孝武之

世微發頻數。百姓貧耗。民多犯法。於是使張湯趙禹之屬條定法令。其後數猾巧法。轉相比况。禁固寢寢。律令煩苛。宣帝在閭閻。間知其若此。會廷尉史路溫舒上書曰：臣聞秦有十失。其一尚存。治獄之吏是也。夫獄者。天下之大命也。死者不可復生。斷者不可復屬。書曰：與其殺不辜。寧失不經。今治獄吏則不然。上下相毆。以刻為明。深者獲功名。平者多後患。故治獄之吏皆欲人死。非憎人也。自安之道。在人之死。是以死人之血。流離於市。被刑之徒。比肩而立。大辟之計。歲以萬數。此仁聖之所以傷也。乃平之未洽。凡以此也。夫人情安則樂生。痛則思死。撫楚之下。何求而不得。故囚人不勝痛。則飾辭以示之吏。治者利其然。則

指道以明之上奏界却則鍛練而周內之。蓋奏當之  
成雖卑。胸臆之猶以為死有餘辜。何則。成練者衆。文  
致之罪明也。是以獄吏專為深刻。殘賊而亡極。始為  
一切。不顧國患。此世之大賊也。故俗語曰。盡地為獄。  
議不入。刻木為吏。期不對。此皆疾吏之風。悲痛之辭  
也。故天下之患莫深於獄。敗法亂正。離親塞道。莫甚  
乎治獄之吏。此所謂一向存者也。惟陛下除誹謗以  
招切言。開天下之口。廣箴諫之路。掃亡秦之失。尊文  
武之德。省法制。寬刑罰。則太平之風可興於世。天下  
幸甚。宣帝善其言。詔置廷尉平四人。每季秋後請讞。  
時帝常幸宣室齋居而決事。刑獄號為平矣。煩執之  
數所各如夫音扶復數又切比此至切樂音洛勝平  
聲銀都玩切內約同亡極之亡無同輸倫  
同塞悉則切廷尉平之平去聲獄詁突切

劉向曰。教化所恃以為治也。刑法所以助治也。今廢所

恃而獨立其所助。非所以致太平也。並通鑑網目

陳寵曰。斷獄嚴明。所以威懲姦慝。姦慝既平。必宜濟之。

以寬

新都玩切  
恩惕德切

劉愷曰。善善及子孫。惡惡止其身。所以進人人於善也。

愷可亥切。惡。惡。上去聲。下如字。

習鑿齒曰。水至平而邪者取法。鑑至明而醜者忘怒。以其無私也。況大人君子懷柔生之心。流矜恕之德。法行於不可不用。刑加乎自犯之罪。爵之而非私。誅之而不怒。天下其有不服者乎。

王肅曰。人命至重。難生易殺。是以聖王重之。

易。以鼓切。魏主。

性嚴急。有犯法者。輒親召問之。言猶在口。身首已分。散騎常侍王肅諫曰。陛下臨時所刑。皆有罪之吏也。然衆庶不知。謂為余奪。願下之吏。暴其罪而誅之。無使污官掖為遠近所疑。又曰。人命至重。難生易殺。

以聖王重之。惟陛下察臣之言。務從寬恕。使刑罰當罪。無過於慘虐。則天下幸甚。敬納其言。數于前。加數

上屏時去聲。幸倉改。以暴多木切。當大聲。

後趙游子遠曰。聖王用刑。惟誅元惡。不惟多殺。並通鑑綱目

唐太宗曰。死者不可復生。用法務在寬簡。復數又切。太宗嘗謂侍臣曰。

朕以死刑至重。故令三覆。蓋欲思之詳熟也。而有司頃吏之間。三覆已訖。又新獄者。唯據律文。雖情在可矜。而不敢違法。其間豈能盡無冤乎。行刑之日。皆令門下覆視。有據法當死。而情可矜者。錄狀以聞。由是全活者甚衆。○太宗又嘗與侍臣論獄。魏徵曰。煬帝時。嘗有盜發。捕得。拷記服罪者二千餘人。悉令斬之。大理丞張元濟尋其狀。唯五人嘗為盜。餘皆平民。竟不敢執奏。上曰。此豈唯煬帝無道。其臣亦不盡忠。君臣如此。何得不亡。公等宜戒之。

長孫無忌曰。懲其未犯而防其未然。平其微繆而存乎

博愛

長上聲微音輝經音墨○微經皆索名三脫曰微而股曰經國家制刑懲一而戒百使之畏於

未犯之先不幸而麗於法則寬乎其微經而心則主於博愛之仁也唐作疏張

戴胄曰法者所以布大信於天下也

太宗嘗以選人多詐冒資蔭敕令不

省者死未幾有事覺者欲殺之大理少卿戴胄奏據法應流上怒曰卿欲守法而使朕失信乎對曰敕者

出於一時之喜怒法者國家所以布大信於天下也陛下忿選人之多詐而欲殺之既而知其不可復新

之以法此乃忍小忿而存大信也太宗曰卿能執法朕復何憂廷監綱目○選去聲今平聲首去聲與音

機少去聲復敕

宋歐陽脩曰夫所以致刑之錯獄之平其要非他在削苛

刻之深文執議論之平讞無罹民之不逮無縱誅以

快怒使愚民知所避姦吏無所弄則獄雖不赦刑將

自平。

夫音扶錯倉故切  
讞語寔切

刑者聖人之所以愛民之具也。其禁暴止殺之意必本乎至仁。

國家致治之難。惟刑是恤。使民無犯。執法必平。並文

周子曰。主刑者民之司命。任用可不慎乎。

通書

司馬光曰。法制之設。貴於簡要。而失在煩苛。

文

胡寅曰。罪人不可不誅。赦令不可不守。二者將何處。必於未赦之前。揆情法。審輕重。而區別之。使預赦者無可誅之罪。被刑者無可恕之人。則一舉而兩得矣。處上

刑別必列切



蘇軾曰古者公族有罪三宥然後寘刑。

夫以法毒天下者未有反中其身及其子孫也。並文

集○大音  
扶中去聲

朱子曰三代得天下以仁莫不有憐恤之愛患利之教。

所以不免入於刑者亦好仁惡不仁耳。文集○憐七  
感切恤當割

切好惡  
並去聲

張敬夫曰治獄所以多不得其平者蓋有數說吏與利為市固所不論。而或矜知巧以為聰明持姑息以惠姦慝。上則視大官之趨向而重輕其手。下則惑胥吏之浮言而二三其心。不盡其情而一以威怵之。不原

其初而一以法繩之如是而不得其平者多矣可不

慎哉

心學○知去聲惠  
惕德切休又律切

心學曰人君制刑所以奉天討也輕重取舍各有攸當  
乃不易之定理而欽恤之意每行乎其間無非體天  
地好生之德也五刑之用豈淫虐以逞哉刑期無刑  
而已

舍音捨當  
好並去聲

嘗觀三代以下用法之苛酷者莫如秦隋秦用李  
斯趙高之謀以塗炭其生民凡偶語詩書者棄市  
以古非今者族刑者相半於道而死人日積於市  
隋文帝晚節用法益峻大臣勳舊莫能自全凡盜

一錢一瓜者皆死於是天下愁怨民不保生故秦  
之二世隋之煬帝皆不旋踵而身亡國滅誠由刑  
殺大過而致天人之所共怒也漢高寬仁大度孝  
文繼以清靜恭儉而幾致刑措唐太宗明刑慎罰  
死囚必至三覆宋太祖崇忠厚之治子育元元逮  
及子孫卒無刻薄之風是數明君者世祚延永治  
道可稱於後世以其皆本於仁厚寬平而致然也  
嗚呼刑者期于無刑而已非欲藉是而逞威也逞  
威則不免於濫濫矣有天下者可不崇前聖欽恤  
之意而以秦隋為鑒乎

幾音機

理財

書禹貢曰六府孔修庶土交正底慎財賦咸則三壤成賦

中邦

六府水火金木土穀也。孔大也。言六府皆大修也。庶土有等。當以肥瘠高下名物。交相正焉。以任土事。底至也。因庶土所出之財而致謹其財賦之入。如

周大司徒以土宜之法辨十有二土之名物以任土事之類。咸皆也。則品節之也。九州穀土。又皆品節之以上中下三等。如周大司徒辨十有二壤之名物以致稼穡之類。中邦中國也。蓋土賦或及於四夷。而田賦則止於中國而已。故曰成賦中邦。夏書○耜耨力如

禮記王制曰三年耕必有一年之食九年耕必有三年之

食以三十年之通雖有凶旱水溢民無菜色然後天

子食日舉以樂

菜色食菜之色。民無食菜之飢色。天子乃日舉樂以食。

周禮天府掌九貢九賦九功之貳以受其貨賄之入。頒其

貨于受藏之府。頒其賄于受用之府。賄呼罪切。凡貨賄皆歲以給

用耳。良者以給王之用。其餘以給國之用。

凡萬民之貢以充府庫。凡式貢之餘財以供玩好之

用。凡邦國之賦用取具焉。歲終則以貨賄之入出會

之。供平聲。好去聲。會古外切。○萬民之貢以充府庫。此九職之財充足也。式貢之餘財以供玩好之用。

者。蓋玩好非急務。不可蓄。府庫之財。惟此九式有餘。乃可以供玩好也。會計也。餘財足供玩好。則邦之賦

用莫不取具焉。故一歲之終。則以其出入之數而計之矣。王又言。

大司徒頒職事十有二于邦國都鄙。使以登萬民。一

曰稼穡。二曰樹藝。三曰作材。四曰阜蕃。五曰飭材。六

曰通材。七曰化材。八曰斂材。九曰生材。十曰學藝。十

有一曰世事。十有二曰服事。生九穀也。樹藝謂三農

育草木作材。謂度衡作山澤之材。阜蕃謂藪牧養蕃

鳥獸。飭材謂百工飭化八材。通材謂商賈阜通貨賄

化材謂嬖嬖治絲象。化材謂臣妾聚斂。疏財生財。謂

閭民無常職。轉移執事。學藝謂學道藝。世事謂以世

事教能則民不失職。服事謂為公家服事者。地

官。蘇蘇右切。賈音古。嬖嬖音必。斂音力。阜音甫。通音

大學曰：生財有大道。生之者衆，食之者寡，為之者疾，用之

者舒，則財恒足矣。國無遊民。則生者衆矣。朝無幸倖

矣。量入為出。則用之舒矣。此言足國之道。  
荀子曰：足國之道，節用裕民，而善藏其餘。裕優饒也。言富

上得天時下得地利中得人和則貨財渾渾如泉源

汭汭如河海暴暴如丘山

渾戶本切汭讀如滂暴步木切○渾渾水渙貌言不

絕也汭汭水之多也暴暴卒起之貌言得天時地利物多委積高大如丘山也○平倉改切

春耕夏耘秋收冬藏四者不失時故五穀不絕而百

姓有餘食也汭池淵沼川澤謹其時禁故魚鼈優多

而百姓有餘用也斬伐養長不失其時故山林不童

而百姓有餘材也

汭汪胡切鼈必列切長上聲○用謂食足之外可用貨易也山無草

曰童三

漢賈誼曰歐民而歸之農皆著於本使天下各食其力末

技游食之民轉而緣南畝則蓄積多而人樂其所矣

歐陽同著直  
界切樂音洛

谷永曰王者以民為基民以財為本財竭則下畔下畔

則上亡是以明王愛養基本不敢窮極

並通鑑綱目

唐太宗曰勸穡務農則飢寒之患塞遏奢禁麗則豐厚之

利興

塞悉則切

以一人耕而百人食其為害也甚於秋螟莫若禁絕

浮華勸課耕織使人還其本俗反其真則競懷仁義

之心永絕貪殘之路此務農之本也

並帝範。螟音冥。

陸贄曰所費者財用所收者民心苟不失人何憂乏用

通鑑綱目  
○費音廢



地力之生物有大數。人力之成物有大限。取之有度。用之有節。則常足。取之無度。用之無節。則常不足。

民者邦之本。財者民之心。其心傷則其本傷。其本傷

則枝幹凋瘁而根柢歷拔矣。

並奏議○瘁泰醉切  
抵典禮切歷居月切

宋陳堯佐曰。利有本末。下有餘。則上足。

言行錄

歐陽脩曰。古之為政者。上下相移。用以濟。下之用力者。

甚勤。上之用物者有節。民無遺力。國不過費。上愛其

下。下給其上。使不相困。

古者冢宰制國用量入。以為出。一歲之物。三分之一

以給公上。一以給民食。一以備凶荒。

並文集

司馬光曰。善治財者。養其所自來而收其所有餘。故用之。不竭而上下交足也。夫農工商者。財之所自來也。農盡力。則田善收而穀有餘矣。工盡巧。則器斯堅而用有餘矣。商賈流通。則有無交而貨有餘矣。文集○夫音扶

賈音古

曾鞏曰。天下之費。有約於舊而浮於今者。有約於今而浮於舊者。其浮者。必求其所以浮之由而杜之。其約者。必本其所以約之由而從之。則歲有餘財矣。文集○費音廢  
范祖禹曰。夫利。百物之所生。而天地之所以養人也。專之必壅。壅則所害者多。故君子不盡利以遺民。所以

均天地之所施也。聖王寧損己以益人，不損人以益

己。通鑑綱目曰：夫音扶，塵。委與切，遺施並去聲。

節儉

易曰：天地節而四時成。節以制度，不傷財，不害民。天地有

成四時，無節則失序也。聖人立制度以為節，故能不傷財，害民。人欲之無窮也，苟非節以制度，則必至於傷財害民矣。節，寡也。

書舜曰：克儉于家。克儉，謂薄於私養也。

伊尹曰：慎乃儉德，惟懷永圖。言當謹儉約之德。惟懷，永久之謀。商書太甲上。

春秋左氏傳：魯御孫曰：儉德之共也，侈惡之大也。共與恭同。此

言儉者，上下共行之德。奢侈，莫大之惡也。莊公一十四年。

論語子曰奢則不孫儉則固與其不孫也寧固

孫音遜。固。孫音遜。固。

陋也。奢儉俱失中。而奢之害大。迷而為。

禹吾無間然矣非飲食而致孝乎鬼神惡衣服而致

美乎黻冕卑宮室而盡力乎溝洫禹吾無間然矣

聲菲音匪。黻音弗。洫呼域切。間。罅隙也。謂指其罅隙而非議之也。菲。薄也。致孝鬼神。謂享祀豐潔衣服。

常服。黻。蔽膝也。以韋為之。冕。冠也。皆祭服也。溝洫。田間水道。以正疆界。備旱潦者也。或豐或儉。各適其宜。

所以無罅隙之可議也。故再言以深美之。泰北篇。○解。五時。○宋音老。

說苑太公曰後宮不荒女謁不聽上不媢慝下不陰害不

幸宮室以費財不多游觀臺池以罷民不雕文刻鏤

以逞耳目官無腐蠹之藏國無飢餓之民此賢君之

治國也

政理篇。同雕。丁卯切。鏤郎豆切。鏤都故切。

孫夏曰。古之君子。以儉為禮。

友贊篇。

劉向曰。無以所好害民。無以嗜慾妨生。無以奢侈為名。

無以富貴驕盈。

叢談篇。好去聲。

漢賈誼曰。一夫不耕。或受之飢。一女不織。或受之寒。生之

者。有時而用之者。無度則物力必屈。

通鑑綱目。

司馬遷曰。治國之道。富民為始。富民之要在於節儉。

史記。

馬融曰。古之足民者。非能家贍而人足之。量其財用為

之制度。故嫁娶之禮儉。則婚者以時矣。喪制之禮約

則終者掩藏矣。

通鑑綱目。

郎顗曰。救奢必以儉約。拯薄無若敦厚。後漢書○拯之茅切

蜀楊阜曰。堯尚茅茨而萬國安其居。禹卑宮室而天下樂

其業。通鑑綱目○樂音洛

魏王朗曰。約其身以及家。儉其家以施國。魏志○施去聲

衛覬曰。武帝之時。後宮食不過一肉。衣不用錦繡。茵褥

不緣飾。器物無用漆。用能平定天下。遺福子孫。緣道並去

聲

晉傅咸曰。古者人稠地狹而有儲畜。由於節也。今土廣人

稀而患不足。由於奢也。欲時人崇儉。當詰其奢。奢不

見詰。轉相高尚。無有窮極矣。並通鑑綱目○轉上聲

唐太宗曰。夫聖世之君存乎節儉。富貴廣大守之以約。睿  
智聰明守之以愚。不以身尊而驕人。不以德厚而矜  
物。茅茨不剪。采椽不斷。舟車不飾。衣服無文。土階不  
崇。大羹不和。非憎榮而惡味。乃處薄而行儉。故風淳  
俗朴。比屋可封。帝範。夫音扶。椽重圓切。惡去聲。處上聲。比去聲。

宣宗曰。吾欲以儉約化天下。當自親者始。綱鑑

柳宗元曰。夫儉則人用足而不溢。文集。夫音扶。

後唐李琪曰。古者量入以為出。計農而發兵。故雖有水旱

之災。而無匱乏之憂。綱鑑

宋韓琦曰。自古勤儉以勸天下。必以身先之。今欲減省浮

費莫如自宮掖始。言行錄。費音廢。

范純仁曰。唯儉可以助廉。明善錄。

歐陽脩曰。一日之用。節之必量其所入。文集。

司馬光曰。當克己節用。以趨民之急。

聖人以道德為麗。仁義為樂。故雖茅茨土階。惡衣菲

食。不耻其陋。並通鑑綱目。樂音洛。

儉則寡欲。君子寡欲。則不役於物。

凡撙節用度。則宜以在上為始。今欲裁損諸費。不先

於貴者近者。則踈遠之人。安肯甘心而無怨乎。撙祖本切。

一盂之飯。一尺之帛。莫不出於艱難。人主既知之。則



不肯用之於無益散之於無功驕侈之心無自而生

矣。並文  
集

曾鞏曰用之有節則天下雖貧其富易致也。易切

蘇軾曰廣取以給用不如節用以廉取之為易也。並文  
集

易以  
鼓切

張燾曰躬行節儉民自富足。言行  
錄

胡寅曰上好儉而民財豐節力役而民力裕。通鑑綱目  
○好去聲

真德秀曰儉則心小而為慮者遠侈則心大而為謀者

踈。大學  
衍義

馭夷狄

詩曰王命南仲往城于方出車彭彭旂旐央央天子命我

城彼朔方赫赫南仲玁狁于襄○玁狁虛檢切玁羽敏切

之大將也方朔方靈夏等州之地也彭彭衆威貌交龍為旂此所謂左青龍也央央鮮明也赫赫威名光

顯襄除也命大將城朔方而邊患除蓋禦戎狄之道守備為本不以攻伐為先也

戎車既安如輕如軒四牡既佺既佺且閑薄伐玁狁

至于大原文武吉甫萬邦為憲○輕竹二切佺其乙切大音泰○輕車之覆

而前也軒車之却而後也凡車從後視之如軒從前視之如軒然後適調也信壯健貌至于太原言逐出

之而已不窮追也吉甫大將尹吉甫也憲法也

春秋楚子使椒來聘○胡安國曰春秋立法謹嚴而宅心忠

正君臣之義恕以宅心故內雖不與中國同外亦不使與夷狄等思善悔過向慕中國則進之而不拒此

慎刑。重絕人之意也。文公七年

漢魯恭曰。戎狄者。四方之異氣也。與鳥獸無別。是以聖王

之制。羈縻不絕而已。別必列切

晉江統曰。四夷之中。戎狄為甚。弱則畏服。彊則侵叛。是以

有道之君。待之有備。禦之有常。雖稽顙執贄。而邊城

不弛固守。彊暴為寇。而兵甲不加。迭征期令。境內獲

安。疆場不侵而已。並通鑑綱目。平聲。場夷益切。

唐陸贄曰。擇將吏以撫寧衆庶。脩紀律以訓齊師徒。耀德

以佐威。能邇以柔遠。禁侵掠之暴。以彰吾信。抑攻取

之議。以安戎心。彼求和則善待之。而勿與結盟。彼為

寇則嚴備之而不務報復此當今之所易也。

將去聲  
易以鼓切

賤力而貴智惡殺而好生輕利而重人忍小以全大  
安其居而後動俟其時而後行是以脩封疆守要害  
塹蹊隧壘軍營謹禁防明斥堠務農以足食練卒以  
蓄威非萬全不謀非百刻不鬪。

並奏議○惡  
好並去聲

宋歐陽脩曰先王肇分九州制定五服必內諸侯而外四  
夷姑務息民弗勤遠略其來也調戍兵以禦之其去  
也備戰具以守之脩利隄防申嚴斥堠或來獻貢得  
以羈縻蓋聖人制禦戎之常道在乎謹邊防守要害

而已。

文集○  
調去聲

司馬光曰。王者臨御四夷。當叛則威之。服則懷之。使信

義之明。皎如日月。

傳家錄

蠻夷戎狄氣類雖殊。其就利避害。樂生惡死。亦與人同耳。御之得其道。則附順服從。失其道。則離叛侵擾。固其宜也。是以先王之政。叛則討之。服則懷之。

通鑑綱目

○樂音洛  
惡去聲

范祖禹曰。柔遠能邇。治內安外。而殊俗之民向風慕義。不以利誘。不以威脅。而自至矣。

齊虛業切

先王內脩政事。外攘夷狄。其為之有本末。圖之有先後。是以無欲速輕舉之悔也。

並通鑑綱目

蘇軾曰。薄其禮而致其情。不責其去而厚其來。是待夷狄之仁也。

夷狄不可以中國之治治也。譬若禽獸然。求其大治。必至於大亂。先王知其然是故。以不治治之。治之以不治者。乃所以深治之也。並文

朱子曰。古先聖王所以制禦夷狄之道。其本不在乎威疆。而在乎德業。其任不在乎邊境。而在乎朝廷。其具不在乎兵食。而在乎紀綱。文集○朝音潮

真德秀曰。古者帝王能使四夷咸賓者。其誠敬有以感之也。大學付義

征伐

易曰師衆也。貞正也。能以衆正。可以王矣。王于況切。○能以衆正。則王者

之師矣。

師出以律。否臧凶。

否音辭。○律法也。否臧。不善也。出師之道。以律則吉。不臧則凶。當謹

始而守法也。師大辭

六五。不富以其鄰。利用侵伐。無不利。象曰。利用侵伐。

征不服也。

謂以柔居尊。謙而得衆。猶有未服。則利以征之。

上六。鳴謙。利用行師。

謂謙極有聞。人之所與。故可用行師。並據大義。

書禹誓師曰。濟濟有衆。咸聽朕命。蠢茲有苗。昏迷不恭。侮

慢自賢。反道敗德。君子在野。小人在位。民棄不保。天

降之咎。肆予以爾衆士奉辭伐罪。爾尚一乃心力。其

克有勳。

清子禮切。蠢尺尹切。○清。清和。整衆威之貌。蠢動也。蠢蠢然無知之貌。昏闇迷惑不恭者。

不敬也。言苗民昏迷不敬。侮慢於人。妄自尊大。反戾正道。民怨天怒。故我以爾衆士奉帝之辭。罰苗之罪。爾衆士庶幾同心同力。乃能有功。虞書大禹謨。○與音機。

甘誓曰。有扈氏威侮五行。怠棄三正。天用勦絕其命。今

予惟恭行天之罰。

勦子少切。○威。暴殄之也。侮。輕忽之也。三正。天地人之正道。怠。惰。棄。

厥言亂常也。有扈氏暴殄天物。輕忽不敬。虐下背上。獲罪于天。天用勦絕其命。今我伐之。惟敬行天之罰而已。夏書。○殄。徒典切。皆音殄。

胤侯曰。今予以爾有衆。奉將天罰。爾衆士同力王室。尚

弼予欽。承天子威命。火炎崑岡。玉石俱焚。天吏逸德。



烈于猛火殪厥渠魁脅從罔治舊染汙俗咸與惟新

胤羊進切。殪將廉切。脅產業切。汙汪胡切。○將行也。我以爾衆士奉行天罰。爾其同力王室。庶幾輔我以敬承天子之威命也。崑出玉山名。罔山脊也。逸過。渠大也。言火炎崑罔。不辨玉石之美惡而焚之。苟為天吏而有過逸之德。不擇人之善惡而戮之。其害有甚於猛火。不辨玉石也。今我但誅首惡之魁而已。脅從之黨則罔治之。舊染汙俗之人亦皆赦而新之。夏古舉社。○與音機。

仲虺之誥曰。乃葛伯仇餉。初征自葛。東征西夷怨。南征

北狄怨。曰。奚獨後予。攸徂之民。室家相慶。曰。徯予后

后来其蘇。

也。許偉切。餉式亮切。徯戶禮切。○葛國名。伯爵也。餉饋也。仇餉與餉者為仇也。葛伯

不祀。湯使問之曰。無以供粢盛也。湯使亳衆往耕。老弱饋餉。葛伯殺其童子。湯遂征之。湯征自葛始也。奚何徯待也。蘇復生也。西夷北狄言遠者如此。則近者可知。湯師之未加者。則怨望其未。曰。何獨後予。其所

生伐者則妻孥相慶曰待我后久矣后来我其復生乎。商書○來音告。威時任切。復扶又切。

詩曰比物四驥閑之維則維此六月既成我服我服既成

于三十里王于出征以佐天子比毗至切。地物。齊其力也。則法也。服我

服也。三十里。一舍也。古者師行日三十里。而即曰引道。蓋舍而止言其應變之速從事之敏。而又不失其

常度也。王命於此而出征。欲其有以敵王所懷而佐天子云耳。應去聲。張苦愛切。

四牡脩廣其大有顙薄伐獫狁以奏膚公有嚴有翼

共武之服共武之服以定王國顙王容切。獫狁。獫虛檢切。共平聲。○

脩長。廣大也。顙大貌。奏為膚大。公功。嚴威。翼敬也。共與供同。服事也。言將帥皆嚴敬以恭武事也。至六月

去聲。篇○詩

王赫斯怒爰整其旅以按徂旅以篤于周祜以對于

天下

按音通枯侯五切。其旅周師也。按通也。相旅。密師之往共者也。馬厚。祐福也。對答也。此言文

王伐密之始也。共平聲。

臨衝第第崇墉仡仡。是肆是伐。是絕是忽。四方以無

拂

第音弗。仡魚乞切。第第強盛貌。仡仡堅壯貌。肆縱兵也。忽滅也。拂戾也。言文王滅崇而四方無不

服也。共大非生矣。篇

江漢湯湯。武夫洸洸。經營四方。告成于王。四方既平。

王國庶定。時靡有爭。王心載寧。

湯音羊切。洸音光。洸洸武貌。庶幸也。

江漢之潏。王命召虎。式辟四方。徹我疆土。匪疚匪棘。

王國來極。于疆于理。至于南海。

潏音虎。辟亦切。虎召穆公名也。辟與

開同。徹井其田也。疚病。棘急也。疆中之表也。居中而為四方所取正也。王以漢篇

赫赫明明王命卿士南仲大祖大師皇父整我六師

以脩我戎既敬既戒惠此南國大音泰父上聲。卿士即皇父之官也。南

仲周之大將也。大祖始祖也。大師皇父之兼官也。將士聲。

赫赫業業有嚴天子王舒保作匪紹匪遊徐方繹騷

震驚徐方如雷如霆徐方震驚赫赫顯也。業業大也。威也。舒徐保安作

行也。紹糾緊也。遊遨遊也。繹連然也。騷擾動也。言天子自將不疾不徐而徐方之人皆已震動而畏其威

也。將去聲。

王猶允塞徐方既來徐方既同天子之功四方既平

徐方來庭徐方不回王曰還歸塞志則切還音旋。猶道允信塞實庭朝。

回還還歸班師而歸也。王

大雅常武詩。○朝音潮。

桓桓于征狄彼東南烝烝皇皇不吳不揚不告于訖

在泮獻功

吳音話訖音凶。狄猶過也。東南謂淮夷也。烝烝皇皇盛也。不吳不揚蕭也。不告于

訖者師旅和而不爭泮泮宮也。蓋釋奠于學而告成功也。音頃閑言其

春秋左氏傳晉士會曰叛而伐之服而舍之德刑成矣

音舍

捨○伐之所以成刑舍之所以成德宣公十二年

周禮大司馬以九伐之法正邦國馮弱犯寡則眚之賊賢

害民則伐之暴內陵外則壇之野荒民散則削之負

固不服則侵之賊殺其親則正之放弑其君則殘之

犯令陵政則杜之外內亂鳥獸行則滅之

馮音憑所景切行

胡孟切○古者諸侯有違王命大司馬出兵以征伐之所以止之也。馮猶乘陵也。言在小而侵侮之。眚猶

人膏瘞也。謂膏瘞其地。削之使不得強大也。賊賢害民者。使兵入其境。鳴鐘鼓以聲其罪也。暴內。即上云。賊賢害民是也。陵外。即馮弱犯寡是也。內外之惡兼有。故壇之壇。讀如同。墀之墀。謂置之空墀。奪其位而立其次。賢者荒蕪也。田不治。民不附。則削之。有固謂倚險恃固。不服。不事大國也。則以兵侵之。正殺之也。若殺其親。其罪尤重。故殺之也。放逐也。殘滅也。其為惡者。犯令者。違命也。陵政者。輕政法不循也。杜之者。杜塞使不得與鄰國交通。若悖人倫。外內無以異於禽獸。不可親百姓。則誅滅而去之也。夏官。○卿。音善。塞。志。則。切。去。上。聲。

論語子曰善人教民七年亦可以即戎矣

教民者教之孝弟忠信之行務

農講武之法。即就也。戎。兵也。民知親其上死其長。故可以即戎。行期五加。上聲。

以不教民戰是謂棄之

以。用也。言用不教之民以戰。必有敗亡之禍。是謂棄其民。

也。孟子

篇

孟子曰。征者上伐下也。

征。所以正人也。諸侯有罪。則天子討而正之。

征之為言正也。各欲正己也。焉用戰。

焉。於虔切。民為暴虐所害。皆

欲仁者來正己之國也。並盡心下

荀子曰。凡用兵攻戰之本。在乎一民。弓矢不調。則羿不能以中。六馬不和。則造父不能以致遠。士民不親附。則湯武不能以必勝。故善附民者。是乃善用兵也。故兵要在乎附民而已。

中。去聲。父上聲。

兵者所以禁暴除害也。非爭奪也。故仁人之兵所存

者神所過者化。若時雨之降。莫不喜說。

說音悅。

仁義之兵行於天下也。故近者親其善。遠方慕其德。

兵不血刃。遠邇來服。德成於此。施及四極。並議兵篇施音異

說苑曰。兵不可玩玩則無威。兵不可廢廢則召寇。

聖人之治天下也。先文德而後武功。凡武之興。為不

服也。文化不改。然後加誅。並指武篇為去聲

晉文公曰。能以戰勝而安者。其唯聖人乎。君道篇

漢沮授曰。夫救亂誅暴。謂之義兵。恃眾憑強。謂之驕兵。義

者無敵。驕者先滅。扶夫音

趙充國曰。帝王之兵。以全取勝。是以貴其謀而賤戰。

馮奉世曰。善用兵者。役不再興。糧不三載。故師不久暴

而天誅亟決。暴步木切



蜀諸葛亮曰。統武行師。以大信為本。蜀志

魏賈詡曰。用兵之道。先勝後戰。量敵論將。故舉無遺策。通鑑

鑑綱目。○將去聲。

陳琳曰。王者之師。有征無戰。文選

隋書曰。造化之有肅殺義。在無私。帝王之用干戈。蓋非獲

已。紀本

唐太宗曰。夫兵甲者。國之凶器也。土地雖廣。好戰則人凋

邦國雖安。亟戰則人殆。帝範。○夫音扶。好亟並去聲。

宋宗祁曰。用兵者。不幸敵之亂。而欲己之不可亂。不畏彼

之侵。而患所以來其侵也。名臣錄。濟奏議。

歐陽脩曰。外料敵之謀。內察國之勢。知彼知此。因謀制

敵。此朝廷之計也。所謂廟筭而勝者也。潮音

至治之時。常不忘於武備。用兵之要在先擇於將臣。

將去聲

夫用兵難事也。故謀既審矣。則其發也果。故能動而

有成功也。孟文集。夫音扶。

蘇洵曰。凡兵上義。不義雖利。勿動。文集

蘇軾曰。善用兵者。先服其心。次屈其力。則兵易解而功

易成。易以鼓切。

凡戰之道。未戰養其財。將戰養其力。未戰養其氣。既

戰養其心。

聖人之兵出於不得已。故其勝也。享安全之福。

凡舉大事。必順天心。天之所向。以之舉事。必成。

王者之兵。要在於使之知愛其上。而讎其敵。使之知上之所以驅之於戰者。凡皆以為我也。是以樂其戰。

而甘其死。

並文集○為去聲樂音洛

龐籍曰。古帝王以恩威馭將帥於內。將帥以賞罰馭士。

卒於外。故軍政行而大功集。

名臣錄奏議○將去聲

史浩曰。帝王之兵。當出萬全。

宋史

趙順孫曰。征伐之道。當順民心。民心悅。則天意得。

孟十纂疏

# 父道

易曰家人有嚴君焉父母之謂也。

家人之道。必有所尊嚴。而君長者。謂父母也。雖

一家之小。無尊嚴則孝敬衰。無君長則法度廢。有嚴君而後家道正。家者國之則也。家人不齊。則天下亂。

禮記內則曰凡生子擇於諸母與可者必求其寬裕慈惠

溫良恭敬慎而寡言者使為子師。

諸母衆妻也。於諸母之中擇其有是

德者使為子師而教以善道。父母養子之禮莫先於此。

文王世子曰知為子然後可以為人父。

知盡孝於己。必能慈以撫衆。故

可為人之父也。

凡三王教世子必以禮樂。樂所以脩內也。禮所以脩

外也。禮樂交錯于中，發形於外，是故其成也懌。恭敬而溫文，立大傳少傳以養之，欲其知父子君臣之道也。大傳審父子君臣之道以示之，少傳奉世子以觀大傳之德行而審喻之。大傳在前，少傳在後，入則有保，出則有師，是以教喻而德成也。懌，美也。切。大音泰。少去聲。行，胡孟切。

○教世子莫大於禮樂也。樂以消融其邪慝而達于外，禮以陶成其肅恭而達于中。是以內外交錯，有諸中必形諸外，其成也悅懌而有恭敬之實德。溫文之氣象矣。養猶教也。言養者，積浸成長之謂，故立大傳少傳之官以教喻之而成其德也。示之者，謂為之行其禮。審喻者，謂為之說其義。在學時則有大傳少傳以導之。燕居時則有師保以輔之。故教喻而德成矣。

○漢賈誼曰：古之王者，太子乃生，固舉以禮，有司齊肅端冕見之南郊。過闕則下，過廟則趨，故自為赤子而教固以行矣。孩提有識，三公三少明孝仁禮義以

道習之。逆去邪人。不使見惡行。選天下之端士。有道術者。使與居處。故太子乃生而見正事。聞正言。行正道。左右前後皆正人也。夫習與正人居。不能無正。猶生長於齊。不能不齊言也。習與不正人居。不能無不正。猶生長於楚。不能不楚言也。習與不化。與心成。故天性。習慣如自然。習與智長。故幼而不嫚。化與心成。故中道若性。夫三代之所以長久者。其輔翼太子有此具也。○宋真德秀曰。三王之教世子。必以禮樂者。禮之所以起人之敬心。敬心生。則慢心窒矣。樂所以感人之和心。和心生。則戾心消矣。其薰陶德性。變化氣質。莫妙於此者。然樂雖情內。由內以達外。禮雖情外。由外而入中。二者醺醲涵暢。相與無間。故其成也。但見其悅懌而已。恭敬溫文而已。愚憐德如長上。聲齊側皆如見之。之見形由如虛上。聲夫音執長久之長。如子室職。一切隨時云。切腹取實。切問去聲。

春秋左氏傳衛石碭曰。愛子教以義方。弗納於邪。碭。七雀切。○義。

以方外。教以方外之義。使勿入於邪僻。此愛子之道也。隱公三年。

孟子曰古者易子而教之。易子而教所以全父子之恩而不失其為教也。

說苑曰賢父之於子慈惠以生之教誨以成之。通鑑綱目云唐太宗

自立太子遇物則誨之見其輒則曰汝知稼穡之艱難則常有斯飯矣見其乘馬則曰汝知其勞而不竭其力則常得乘之矣見其乘舟則曰汝知其危而不敢溺舟民猶水也君猶舟也見其息於木下則曰木從繩則正后從諫則進此所謂教誨之者矣。

子年七歲以上父為之擇明師選良友勿使見惡少

漸之以善使之早化。並建本篇為少並去聲漸時廉切

父母正則子孫孝慈。叢談篇

唐進曰為人父三年不問子不可謂慈。奉使篇

隋顏之推曰父子之嚴不可以狎骨肉之愛不可以簡簡

則慈孝不接。狎則怠慢生焉。

父母威嚴而有慈。則子女畏慎而生孝。並成子通錄

宋程子曰。善養子者。當其嬰孩鞠之。使得所養。全其和氣。

乃至長而性美。程氏遺書  
○長上聲

古人生子。能食能言而教之。小學之法。以豫為先。

人之幼也。知思有所未至。便當以格言至。論曰。陳于前。

雖未曉知。且當薰聒。使盈耳充腹。久自安習。若固有。

之。雖以他言惑之。不能入也。近思錄

父子之間。大率以情勝。禮以恩奪。義惟剛立之人。能。

不以私愛失其正理。性理  
華書



張敬夫曰為人父者當脩身以率其子弟身脩則將有

不言而威不令而從者矣

近思別錄

胡宏曰父子有法然後人道久

胡子知言

家頤曰人生至樂無如讀書至要無如教子

樂音洛

父子之間不可溺於小慈自小律之以威繩之以禮

則長無不肖之悔

長上聲

教子有五道其性廣其志養其材鼓其氣攻其病廢

一不可

養子弟如養芝蘭既積學以培植之又積善以滋潤

之

通錄

黃光太曰。為父而不能盡為父之道。則家無忠孝之子。

積善錄

# 子道

詩曰。父兮生我。母兮鞠我。拊我畜我。長我育我。顧我復我。

出入腹我。欲報之德。昊天罔極。拊。雙古切。畜。許六切。長。上聲。○生者。本其

氣也。鞠。高皆養也。拊。猶也。育。覆育也。顧。旋視也。復。反覆也。腹。懷抱也。罔。無極窮也。言父母之恩如此。欲報之德。而其恩之大。如天無窮。不知所以為報也。○非孝義為。○有教又如下如字。

夙興夜寐。無忝爾所生。忝。辱也。言夙興夜寐。各求無辱於父母。○非。小雅。○克。為。

惟桑與梓。必恭敬止。靡瞻匪父。靡依匪母。桑梓。二木。古者五服。

之宅樹之墻下。以遺子孫。給饔食。具器用者也。瞻者尊而仰之。依者親而倚之也。言桑梓父母所植。尚且必加恭敬。況父母至尊至親。宜莫不瞻仰也。小雅小弁篇。遺去背。茲但今切。

成王之孚。下土之式。永言孝思。孝思維則。式。則。皆法也。言武王

能成王者之信。而為四方之法者。以其長言孝思而不忘。是以其孝可為法耳。

媚茲一人。應侯順德。永言孝思。昭哉嗣服。應。去聲。媚。愛也。一

人。謂武王。應。如不應。侯。志之應。侯。維。服。事也。言天下皆愛戴武王。以為天子。而所以應之。維以順德。是武王能長言孝思。而明哉。其嗣先王之事也。五大。非下武。篇。○侯。戶。禮。切。

威儀孔時。君子有孝子。孝子不匱。永錫爾類。匱。具位切。孝

子。主人之嗣子也。匱。竭。類。善也。此父兄各行華之詩。而述尸告之辭。言祭祀之威儀。既得其宜。又有孝子以率。莫孝子之孝。誠不竭。則宜永錫爾以善矣。大雅既解。

禮記曲禮曰。凡為人子者。冬溫而夏清。昏定而晨省。

省。悉井切。

○定。安其床衽也。省。問其安否何如也。

夫為人子者。出必告。反必面。所遊必有常。所習必有

業。恒言不稱老。

夫音扶。告古祿切。○告。面同耳。反言而者。從外來宜知親之顏色安否。遊

必有常。習必有業者。緣親之意欲知之也。

孝子不服闇。不登危。懼辱親也。

闇音暗。○服。事也。闇。冥也。不以闇冥之中

從事。為卒有非常。且嫌失禮也。為去聲。卒余決口。

樂正子春曰。吾悔之自吾母而不得吾情。吾惡乎用吾

情。

惡音烏。○惡乎。猶於何也。禮了。

文王世子曰。文王之為世子。朝於王季日三。雞初鳴而

衣服至於寢門外。問內豎之御者曰：「今日安否何如？」  
內豎曰：「安。」文王乃喜。及日中又至，亦如之。及莫又至，  
亦如之。其有不安節，則內豎以告文王。文王色憂，行  
不能正履。王季復膳，然後亦復初。食上必在視寒煖，  
之節。食下問所膳。命膳宰曰：「末有原。」應曰：「諾。」然後退。  
朝音潮。豎仁反。切莫與暮同。應去聲。○內豎。內庭之  
小臣。御是直日者。世子朝父母。母惟朝夕二禮。今文王  
日三。聖人有過人之行也。不安節。謂有疾不能循起  
居飲食之常時也。食上。進膳也。在祭也。食下。食畢而  
徹也。問所膳。問所食多寡。末。猶勿也。原。再也。謂所  
食之餘。不可再進也。朝。之朝。如字。行切。五レ

文王有疾，武王不說冠帶而養。文王一飯，亦一飯。文

王再飯，亦再飯。

說音脫。養去聲。飯上聲。

內則曰。父母有過。下氣怡色。柔聲以諫。諫若不入。起敬

起孝。

子事父母。有隱無犯。起。猶更也。

父母怒。不悅。而撻之流血。不敢疾怨。起敬起孝。

曾子曰。孝子之養老也。樂其心。不違其志。樂其耳目。安

其寢處。以其飲食忠養之。

養去聲。樂音洛。處上聲。樂其心。喻父母於道也。不

違其志。能養志也。

父母之所愛。亦愛之。父母之所敬。亦敬之。至於犬馬

盡然而況於人乎。

並內別。

孔子曰。仁人之事親也如事天。事天如事親。

事親如事天者。所以

致其專而不褻也。事天如事親者。所以永其格而不欲其踈也。哀公問篇。○ 樂先結。

玉藻曰父命呼唯而不諾手執業則投之食在口則吐

之走而不趨親老出不易方復不過時親瘠色容不

盛此孝子之疏節也唯上聲瘠才詣切○唯諾皆應辭唯速而恭諾緩而慢易方則

恐召己而莫知所在過時則恐失期而貽親之憂瘠病也疏節謂常行疏畧之禮而已應去聲

祭義曰先王之孝也色不忘乎目聲不絕乎耳心志嗜

欲不忘乎心致愛則存致慤則著著存不忘乎心夫

安得不敬乎慤乞約切大音扶○致愛極其愛親之心也致慤極其敬親之誠也存以三者

不忘也

孝子之有深愛者必有和氣有和氣者必有愉色有

愉色者必有婉容婉委速切

曾子曰。孝有三。大孝尊親。其次弗辱。其下能養。養去聲。

身也者。父母之遺體也。行父母之遺體。敢不敬乎。

夫孝。置之而塞乎天地。溥之而橫乎四海。施諸後世。

而無朝夕。推而放諸東海而準。推而放諸西海而準。

推而放諸南海而準。推而放諸北海而準。夫音扶。塞。悲則切。溥。

傍牛切。放甫兩切。○置者直而立之。溥者敷而散之。施言其出無窮。推言其進不已。放與放乎四海之發。

同。準言人以此為準也。所謂無所不通也。

孝有三。小孝用力。中孝用勞。大孝不匱。思慈愛忘勞。

可謂用力矣。尊仁安義。可謂用勞矣。博施備物。可謂

不匱矣。

匱。具位切。施去聲。○庶人思父母之慈愛而忘已躬耕之勞。可謂用力矣。此亦能養之事。



小孝也。諸侯大夫士尊重於仁。安行於義。功勞足以及物。可謂用勞矣。此弗辱之事。中孝也。匱乏也。博施謂德教加於百姓。刑於四海。備物。謂四海之內各以其職來助祭。可謂不匱矣。此天子大孝尊親之事也。

父母愛之。喜而不忘。父母惡之。懼而無怨。父母有過。諫而不逆。惡去聲。

孔子曰。父母全而生之。子全而歸之。可謂孝矣。不虧其體。不辱其身。可謂全矣。並祭義。

善則稱親。過則稱己。則民作孝。

小人皆能養其親。君子不敬。何以辨。養去聲。辨。別也。別必別切。  
父母存。不敢有其身。不敢私其財。

父母存饋獻不及車馬。

並坊記

大戴禮孔子曰。身也者親之枝也。敢不敬與。不能敬其身。是傷其親。傷其親是傷其本。傷其本枝從而亡。

哀公問於

孔子篇。與平聲。

曾子曰。孝子之事親也。居易以俟命。不興險行以徼幸。

曾子本孝篇。易以致切。行胡孟切。敬堅堯切。

樂正子春曰。一舉足不敢忘父母。故道而不徑。舟而不游。不敢以先父母之遺體行殆也。一出言不敢忘父母。故惡言不出於口。忿言不及於已。然後不辱其身。不憂其親。則可謂孝矣。草木以時代焉。禽獸以時殺。

焉。夫子曰：伐一木，殺一獸，不以其時，非孝也。大孝篇

單居問於曾子曰：父母之行，若中道則從，若不中道則

諫，諫而不用，行之如由己，從而不敢諫，非孝也。諫而不

從，亦非孝也。孝子之諫，達善而不敢爭辨。中云：聲已。且俯從所行而思諫道也。不敢

爭辨必下氣怡色柔聲以諫也。

父母所憂憂之，父母所樂樂之。孟○曾子事父母篇○樂音洛

孝經子曰：夫孝，德之本，教之所由生。夫音扶。人音之。備德必始於孝而後仁義。

生焉。

身體髮膚，受之父母，不敢毀傷，孝之始也。立身行道，

揚名於後世，以顯父母，孝之終也。身體言其大。髮膚言其細。細猶當愛。

之。况大者乎。立身行道。自然揚名于後世。光顯其親矣。

愛親者不敢惡於人。敬親者不敢慢於人。愛敬盡於

事親而德教加於百姓。刑於四海。蓋天子之孝也。惡

聲。惡。慢。於。人。人。亦。惡。慢。之。則。辱。將。及。親。若。行。博。愛。廣。敬。之。道。使。人。皆。不。慢。惡。其。親。則。德。教。加。被。天。下。為。

四夷所法則也。五經一章

夫孝天之經也。地之義也。民之行也。天地之經而民

是則之。則天之明。因地之義。以順天下。是。以其教不

肅而成。其政不嚴而治。夫音扶。行胡孟切。○經。常。也。孝者。天下自然之常道。民法。

之以為行耳。明者。推原其孝之出於人心。而得於天者。蓋法天明以為常。因地利以行義。順此以施教。不

待嚴肅而成理也。傳音。章。○行義之行如字。

天地之性人為貴人之行莫大於孝孝莫大於嚴父

嚴父莫大於配天行胡孟切。人為萬物之靈孝者百行之本。配天謂宗祀以配上帝也。傳

三章

昔者明王事父孝故事天明事母孝故事地察長幼

順故上下治長上聲。父事天。母事地。言能敬事宗廟則事天地能明察也使家之長幼順

則知所以治國矣。

孝弟之至通于神明光于四海無所不通順長幼以

心則鬼神歆而兆民歸其德矣。五傳九章。○長上聲。

論語子夏曰事父母能竭其力學而

子曰父母唯其疾之憂言父母愛子唯恐其有疾病常以為憂人子體此則所以守其

身者不容不  
謹身焉

父母在木遠遊遊必有方。遠遊則去親遠而為日久。方欲親必知己之所在而無憂。不

已。則必至而無失也。有憂并如

父母之年不可不知也。一則以喜。一則以懼。知。猶記

知父母之年。則既善其壽。又懼其老。而於愛日之誠。自有不能已者。孟子曰

曾子曰。吾聞諸夫子。孟莊子之孝也。其他可能也。其不

改父之臣。與父之政。是難能也。孟莊子。魯大夫名速。其父獻子有賢德。而

莊子能用其臣守其政。故其他孝行雖有可稱。而皆不若此事之為難。子張篇。○行胡孟切

中庸子曰。舜其大孝也歟。德為聖人。尊為天子。富有四海

之內。宗廟享之子孫保之。子孫。謂虞夏。思陳胡公之屬。第十七章

武王纘大王王季文王之緒壹戎衣而有天下身不  
失天下之顯名尊為天子富有四海之內宗廟享之

子孫保之

纘祖管切大音泰○纘繼也大王王季之  
父也緒業也戎衣甲冑之屬一戎衣言一

著戎衣以伐紂也第十八章

武王周公其達孝矣乎夫孝者善繼人之志善述人

之事者也

夫音扶○達通也武王纘太王王季文王  
之緒以有天下周公成文武之德以追崇

其先祖此繼志  
述事之大者也

踐其位行其禮奏其樂敬其所尊愛其所親事死如

事生事亡如事存孝之至也

踐猶履也其指先王也  
所尊所親先王之祖考

子孫臣庶也始死謂之死既葬則曰反而止焉  
皆指先王也此繼志述事之意也五帝十九章

孟子曰。君子不以天下儉其親。

送終之禮。所當得為。而不

而薄於吾親也。公孫孫曰。是為之為去聲。

事孰為大事。親為大。

孰不為事。事親事之本也。

事親孝。則忠可移於君。順可移於長。身正。則家齊國

治而天下平。長上聲。

若曾子則可謂養志也。事親若曾子可也。

養去聲。曾子能承

順父母之志。是以事親者當如曾子之養志。然人子所能為者。皆所當為。故孟子止曰可也。豈以曾子之

孝為有餘哉。

不得乎親。不可以為人。不順乎親。不可以為子。

得者。由為

承順以得其懷心。順。則有以諭之於道。為人。蓋泛言也。為子。則愈密矣。並詳妻篇。



大孝終身慕父母五十而慕者子於大舜見之矣而慕則其終身可知矣。

孝子之至莫大乎尊親尊親之至莫大乎以天下養

為天子父尊之至也以天下養養之至也養去聲言替暇既

為天子之父則當享天下之養此舜之所以尊親養親之至也並第章篇

家語子曰立身有義矣而孝為本立身以孝為本也六本篇

說苑孔子曰賢子之事親發言諫辭應對不悖乎耳趣走

進退容貌不悖乎目卑體賤身不悖乎心應去聲趣與趣同

父母怒之不作於意不見於色深受其罪使可哀憐

上也父母怒之不作於意不見於色其次也父母怒

之作於意見於色下也。

並建本篇。見形句切。

揚子曰。父母子之天地歟。無天何生。無地何形。

天縣象地。載形。父受

氣。母化成也。縣音懸。

孝莫大於寧親。寧親莫大於寧神。寧神莫大於得四

表之懽心。

寧。安也。寧神者。尊祖奉宗廟也。

孝子愛日。

言養親之心。惟日不足也。並孝至名。養去聲。

唐韓愈曰。大孝莫高乎善繼。

文集。

高郢曰。王者之孝在於承順天地。嚴配宗考。恭謹德教。

以臨兆民。俾四海之內懽心助祭。

唐書。

宗歐陽脩曰。守成念夫至艱。孝者先乎善繼。

夫音扶。

凡子之事其親者盡其心焉耳心貴正正則不敢私其所私者大孝之道也。並文集

司馬光曰天子之孝非若衆庶止於養親而已蓋將慎

守前人之業而傳於無窮然後為孝也。養去聲

保基緒傳子孫孝之實也。

聖人之德無以加于孝自天子至於庶人莫不始於事親終於立身揚名於後世誠為學所宜先也。

天子之孝在於得萬國之歡心以事其親。並傳家集

胡寅曰處家庭不違乎孝則子道得矣。故堂管見

胡宏曰道非仁不立孝者仁之基也。胡子知言

朱子曰。如欲為孝。則當知所以為孝之道。如何而為奉

養之宜。如何而為溫清之節。莫不窮究而後能之。性理

羣書○  
養去聲

呂祖謙曰。愛其親者。事親之孝。傳

真德秀曰。為人君以光祖宗遺後嗣為孝。大學  
衍義

# 臣道

## 統言臣道

易曰。包荒用馮河。不遐遺。朋亡得尚于中行。馮音憑○泰

居柔。在下之中。上有六五之應。主乎泰。得中道者也。故能包容荒穢。而果斷剛決。不遺遐遠。而不昵朋比。

則合乎此交中行之道矣。泰九二爻辭。  
應去聲。新都坑。切。張。氏。贊。如。此。此。至。切。

書舜曰。汝惟不矜。天下莫與汝爭能。汝惟不伐。天下莫與

汝爭功。此舜美禹之辭也。汝指禹而言。禹能不矜其能。不伐其功。然其功能之實。自有不可掩者。

虞書大  
禹謨

臣哉鄰哉鄰哉臣哉。鄰。左右輔弼也。臣。以人言。鄰。以職言。則當親我助我。乃盡為臣之道。故反覆數咏。

以見臣職之重而不可忽也。虞書益稷。○分去聲。

成王曰。凡我有官君子。欽乃攸司。慎乃出令。令出惟行。

弗惟反。以公滅私。民其允懷。凡我有官君子者。合尊卑大小而同訓之也。反。

者。令出不可行而壅遏之謂。言敬汝所主之職。謹汝所出之令。令出欲其行。不欲其壅遏而不行也。以天

下之公理。滅一己之私情。則令行而民莫不敬信懷服矣。

學古入官。議事以制。政乃不迷。學古。學前代之法也。制。裁度也。迷。錯謬也。

度特  
路切

功崇惟志。業廣惟勤。惟克果斷。乃罔後艱。斷。都玩切。功者。業

之成也。業者。功之積也。崇。其功者存乎志。廣。其業者存乎勤。勤由志而生。志待勤而遂。雖有二者。當樂而不能果斷。則志與勤為虛用。而終陷後艱矣。五周書同官。○幾平聲。

無依勢作威。無倚法以削。寬而有制。從容以和。從。七

○勢。我所有也。法。我所用也。喜怒予奪。毫髮不於人而於己。是私意也。非公理也。安能不作威以削乎。然寬不可一於寬。必寬而有其制。和不可一於和。必從容以和之。周書君陳。○子音與。

康王曰。罔曰弗克。惟既厥心。罔曰民寡。惟慎厥事。無謂不能

而畏之。惟當盡其心。無謂民少而忽之。惟當敬其事。周書畢命。

詩曰樂只君子民之父母樂只君子德音不已樂音洛只音止○

子指賓客也此宴饗通用之樂所以道達主人尊賓之意此章傳其德也○

申伯之德柔惠且直揉此萬邦聞于四國揉汝又切聞去聲○

申伯宣王之元舅周之大臣也揉治也尹吉甫作詩誦申伯之德如此言能脩己以治國家也大雅卷五

名

仲山甫之德柔嘉維則令儀令色小心翼翼古訓是

式威儀是力天子是若明命使賦嘉美也令善儀威儀也色顏色也翼翼

恭敬貌古訓先王之遺典也式法力勉若順賦布也蓋備舉仲山甫之德也大雅卷五

濟濟多士克廣德心濟子禮切○廣推而大之也德心善意也魯頌泂水篇

春秋十有二月祭伯來祭助通助○胡安國曰祭伯畿內諸侯為王卿士來朝于魯直書曰

未不與其朝也。人臣義無私交。大夫非君命不越境。所以然者。杜朋黨之原。為後世事君而有二心者之明戒也。○陸公九年

○新音漸為如字

左氏傳晉范文子曰。仁以接事。信以守之。忠以成之。敏

以行之事。雖大必濟。○應事接物以仁為主。信不可易。忠無所偏。敏無不達。有此四德。

必能成大事矣。成公九年。○應去聲。

晉卻至曰。人所以立信。知勇也。信不叛君。知不害民。勇

不作亂。○知去聲。○人立於天地間。有誠信者不忍叛。君有知謀者不敢害民。有武勇者不敢作亂。

威公十年

衛北宮文子曰。臣有臣之威儀。其下畏而愛之。故能守

其官職。保族宜家。○蓋臣道故有臣之威儀。為其下者畏其威而愛之。故能保守官職。全



宗族利家室矣。

襄公三十一年

齊晏平仲曰。在禮家施不及國。民不遷。農不移。工商不

變。士不濫。官不滔。大夫不收公利。

○施去聲。滔也。刀切。在禮。在先王之

禮也。謂大夫之家所施恩澤。不得及於國人。也。四民不得遷其業。農主稼穡。工治器用。賈主懸遷。士不失

其職。官不滔。慢。大夫不敢作福。以收人心也。○公二十六年。○賈音古。

禮記曲禮曰。凡為君使者。已受命。君言不宿於家。

○使去聲。○急君

使也。言謂有故所問也。

郊特牲曰。為人臣者。無外交。不敢貳君也。

○私觀。是外交也。

祭統曰。是故君子之事君也。必身行之。所不安於上。則

不以使下。所惡於下。則不以事上。

○惡去聲。○以己之心。度人之心。即大

學絮矩之道如此而後能盡其通也度位法如絮矩者切

子曰下之事上也雖有底民之大德不敢有君民之心仁之厚也是故恭儉以求役仁信讓以求役禮不自尚其事不自尊其身儉於位而寡於欲讓於賢卑己而尊人小心而畏義求以事君得之自是不得自是以聽天命底覆也後之為言為也求以事君者為求其忠臣之為言不易道以微利諫也覆敦

此切微堅竟切

事君難進而易退則位有序易進而難退則亂也故君子三揖而進一辭而退以遠亂也易以就切遠去聲○亂謂賢否

不別也別

切

事君慎始而敬終

輕交易絕。君子所耻也。並表記。○易以敬切。

下之事上也。身不正言不信則義不一行無類也。

胡行

孟切。○類謂比式。或喜或否也。繼衣。

孝經孔子曰以孝事君則忠以敬事長則順忠順不失以

事其上然後能保其祿位而守其祭祀

長上。○能。長上。○能。

君長。則常安。祿位永。守祭祀矣。經一章。

君子事上進思盡忠退思補過將順其美匡救其惡

故上下能相親也。

於君則思盡忠有過則思補益。將助也。有美則順而成之。救止也。有

惡則正而救之。君臣同德。故能相親。傳十三章。

論語子謂子產有君子之道四焉其行己也恭其事上也

敬其養民也惠其使民也義

子產鄭大夫公孫撫義也。敬謹恪也。惠愛

利也。使民義。如都鄙有章。上下有服。田有封洫。廬井有伍之類。公治長篇。

子曰所謂大臣者以道事君

以道事君者不從君之欲也。先達篇。

苟正其身矣於從政乎何有不能正其身如正人何

行已有耻使於四方不辱君命可謂士矣

使去聲。言為使之

難。不獨責於能言而已。孟子亦言。

事君敬其事而後其食

後與後獲之復同。食。祿也。君子之仕也。有官守者脩其職。

有言責者盡其忠。皆所以敬吾之事而已。不可先有求祿之心也。衛靈公篇。

子夏曰君子信而後勞其民未信則以為厲已也信而

後諫未信則以為謗已也

信。謂誠意惻怛而人信之也。厲。猶病也。違事上使下

皆以誠意交乎而後  
可以有為。子張篇

孟子曰。我非堯舜之道。不敢以陳於王前。公孫丑篇

古之人脩其天爵。而人爵從之。今之人脩其天爵。以

要人爵。既得人爵。而棄其天爵。則惑之甚者也。終亦

必亡而已矣。要平聲。○脩。天爵。而人爵從之。蓋不求

已惑矣。得人爵而棄天爵。則惑又甚焉。終必并其所得人爵而亡之也。告子篇

古之人得志。澤加於民。不得志。脩身見於世。窮則獨

善其身。達則兼善天下。見形句。○見謂名實之顯著也。

有事。君人者。事是君。則為容悅者也。有安社稷臣者。

以安社稷為悅者也。有天民者。達可行於天下而後

行之者也有大人者正己而物正者也

所徇以為容達也以為悅師夫

之事也。大臣之計安社稷如小人之務悅其君。春卷而不怠也。民者無位之繒。以其全盡天理。故謂之天民。必道可行而行之。不小用以徇人也。大人則德威而上下化之者也。王宣心書

家語曰。治官莫若平。臨財莫如廉。廉平之守不可改也。公

也。廉。清也。廉平之道。固守之不可改也。郭正篇

國語晉趙宣子曰。吾聞事君者比而不黨。夫周以舉義比

也。舉以其私黨也。

此毗至切。夫音扶。

晉箕鄭曰。信於君心則美惡不踰。信於名則上下不干。

信於令則時無廢功。信於事則民從善有業。

荀子曰。君子寬而不慢。廉而不戾。

戾。姑術切。廉。扶也。刺刺傷也。但有廉隔不至。

於利傷也。  
不易篇

上則能尊君下則能愛民政令教化形下如景。  
景同

○形。制也。言施政令教化以制其下。如影之隨形。不違越也。且通篇

說苑曰。人臣之公治官事則不營私家。在公門則不言貨

利。當公法則不阿親戚。奉公舉賢則不避仇讎。忠於

事君。仁於利下。推之以恕。道行之以不黨。  
至公篇

虞丘子曰。奉國法而不黨。施刑戮而不仇。可謂公平。  
武

篇○說  
於能切

趙肥義曰。貞臣也難至而節見。忠臣也累至而行明。  
莫西讀

書記○難去  
聲行胡孟切

漢賈山曰。古者大臣不得與宴游。使皆務其方以高其節。

則群臣莫敢不正身脩行以稱大禮。與行編並去聲

賈誼曰。為人臣者。皆顧行而忘利。守節而仗義。故可以

託不御之權。可以寄六尺之孤。並通鑑綱目行胡孟切

蓋寬饒曰。山有猛獸。藜藿為之不采。國有忠臣。姦邪為

之不起。通鑑綱目

吳陸抗曰。人臣之節。匪躬是徇。吳志

唐韓愈曰。臣者。行君之令而致之民者也。

百官者。承君之化者也。任有小大。惟其所能。

入則諫其君。出則不使人知者。大臣宰相之事。並文集



相去聲

柳宗元曰。執忠與敬。臣道畢矣。文集

柳玘曰。涖官則潔己省事而後可以言守法。戒子通錄

宗張詠曰。事君者。廉不言貧。勤不言苦。忠不言己。効公不

言己能。言行錄

范仲淹曰。士當先天下之憂而憂。後天下之樂而樂。樂音

洛

居廟堂之高則憂其民。處江湖之遠則憂其君。蓋宗鑑

○虛上聲

歐陽脩曰。所謂大臣者。必能宣布上德。叶和中外。使人

心悅豫。朝政肅清。潮音

高秩厚祿。人臣所願必也。處之無愧。然後得以為榮。

並文集。○  
虞上聲。

范祖禹曰。人臣以難事責於君。使其君為堯舜之君者。

尊君之大也。開陳善道以禁閉其君之邪心。唯恐其

君或陷于有過之地者。敬君之至也。大學  
何義

司馬光曰。凡人臣者。上以事君。中以利國。下以養民。釋

此三者。非人臣也。文集

蘇軾曰。以義正君而無害于國。可謂大臣矣。

蘇轍曰。輔君之善而補其不足。此誠大臣之事。並文

程子曰。一命之吉。苟存心於愛物於人。何所不濟。

直己守道。所以濟時。枉道徇人。徒為失己。孟子通

為臣之道。當使恩威一出於上。衆心皆隨於君。若人

心從己。危疑之道也。真西山

諸書記

胡安國曰。臣之事君。猶子之事父。以忠信為本。

賈昌朝曰。仕官之法。清廉為最。聽訟務在詳審。用法必

求寬恕。並戒子通錄

○朝音潮

呂居仁曰。當官之法。唯有三事。曰清。曰慎。曰勤。知此三

者。則知所以持身矣。知此三者。可以保祿位。可以遠

耻辱。可以得上之知。可以得下之援矣。童蒙訓。○連去聲。援音院。

胡寅曰臣之事君以行安民之術也。

大臣欲正君心必先正其心其心不正如正君何。

臣之事君格其非心褊狹者宜廓以寬弛急促者宜

道以紆緩

並通鑑綱目○滿  
補典切狹胡夾切

胡宏曰守身以仁以守身之道正其君者大臣也。

胡子知言

張浚曰事君者必此心純一而後能有感格。

明善錄

黃龜年曰一言而盡事君之道曰忠罪莫大於欺君一

言而盡輔政之道曰公罪莫大於私己。

言行錄

朱子曰欲圖大者當謹於微欲正人主之心術未有不

以嚴恭寅畏為先務聲色貨利為至戒。

誠以天下之事為己任則當自格君心之非始欲格君心則當自身始。

士大夫出身事主上則使其君為堯舜之君下則使其民為堯舜之民。

守官只要律已公廉執事勤謹晝夜孜孜如臨淵谷

並文集

張敬夫曰後世道學不明論至道者不過及於人才政事而已孰知其本在於君心而孰知格君之本乃在於吾身乎。心學

呂祖謙曰進諫之道使人君畏吾之言不若使人君信

吾之言使人君信吾之言不若使人君樂吾之言

樂音

路

人臣之憂在於諫之未善不在於君之未從

並傳議

大抵講論治道不當言主意難移當思臣道未盡不

當言邪學難勝當思正學未明

思學

陸子靜曰共其職勤其事心乎國心乎民而不為身計

其得不謂之君子乎

言行錄共平聲

真德秀曰臣之事君以恭為本然必忠誠不二然後可

貴

大學衍義

劉靜春曰人臣事君股肱心腹無有二事故居中則格

其非心用賢人行善政在外則安邊隲固基本選士而進之用心一也

心學○陰音桑

心學曰人臣之心與君一然後能事君

人臣心明則定心昏則亂心定則事無不定心亂則事無不亂內外大小之臣同心同德共理機務可不勞而天下治矣

人臣事君如事天。人臣無一日不在上天覆燾之中亦無一日不在人君臨御之下。此心凜然惕然不敢有一時之不敬也。

覆敷救切惕徒歷切

忠

易曰納約自牖

牖。通明處也。人心有所蔽。有所通。人臣進結於君之道。當就其明處而告之。求信則

易也。次文辭。易也。次文辭。

王臣蹇蹇匪躬之故

素順中正上應乎五。志在乎國。指躬委質。匪為我躬之故也。為

君故也。蹇。交難。應為其大難。

論語子夏曰事君能致其身

致。猶委也。委致其身。謂不有其身也。學而為

子曰臣事君以忠

事君不忠。其無禮也。忠之不足。八情也。

家語曰忠臣之諫君有五義焉一曰謫諫二曰戇諫三曰

降諫四曰直諫五曰諷諫惟度主以行之

謫。居月切。戇。降切。

度。達各切。謫。諫。正其事以諫其君。戇。諫。無文飾也。降。諫。卑降其體以諫之也。直。諫。以直道而諫。諷。諫。借他事引援而諫也。度。主以行。惟在審度其君意而後行之。詳此篇。



忠臣不作姦以陷君忠臣不聞姦盜之端以陷君害其君也惟子夏曰

荀子曰以德復君而化之大忠也以德調君而補之次忠

也復報也。以德行之事報白於君。使自化於善也。調謂匡救其惡也。道篇。行切五切。

說苑蘇從曰處君之高爵食君之厚祿愛其死而不諫其

君則非忠臣也處上聲

枚乘曰忠臣不敢迴避以直諫故事無廢業而功流於

後世也道正練篇

楚申鳴曰食其食者死其事受其祿者畢其能立節篇

新序王子比干曰見過則諫不用則死忠之至也節士篇

莊善曰事君者內其祿而外其身義勇篇

文中子曰忠臣之事君也盡忠補過君失於上則臣補於下臣諫於下則君從於上此王道所以不跌也。問易篇○

跌徒結切

晉賈堅曰與其屈辱而生不若守節而死。

王濬曰事君之道苟利社稷死生以之若顧嫌避咎此

人臣不忠之利非明主社稷之福。

並通鑑綱目

唐陸贄曰承問而對臣之職也寫誠無隱臣之忠也。奏議

柳宗元曰古者居其位思死其官。

文集

宗歐陽脩曰士不忘身不為忠言不逆耳不為諫。

不避雷霆之威不畏權臣之禍此乃至忠之臣也。

人臣之能盡忠者不敢避難言之事。通文

司馬光曰。忠臣憂公如家。見危致命。

身為宰相。知其君之過。不以告。而私語于家。非忠臣

也。相去聲

為人臣者。策名委質。有死無二。

忠臣之事君也。責其所難。則其易者不勞。而正補其

所短。則其長者不勸。而遂。並通鑑綱目。易以戰切。

若忠於國家而死。死之榮也。

報國之忠。莫如薦士。負國之罪。莫如蔽賢。

忠臣之志。莫先於疾邪。並文

程子曰有剪桐葉之戲則隨事箴規違養生之戒則即

時諫止。程人遺書

蘇軾曰人臣執法而不求情盡心而不求名出死力以

捍社稷使天下之心繫於一人而已不與焉。文集與去聲

岳飛曰荷國厚恩當以忠義報國立功名書竹帛死且

不朽。言行錄荷去聲

胡銓曰臣事君猶子事父知無不言於君有隱則於父

亦有隱也非忠孝也。言行錄

呂祖謙曰忘其身者事君之忠。博議

胡寅曰忠愛其君者必思納諸無過之地而不計一身

之安危通鑑綱目

陳公輔曰愛君憂國先義後利平居犯顏逆耳不計一身之利害緩急仗節死難不顧一家之存亡此忠也

言行錄○  
雖去聲

陳俊卿曰人臣以不欺為忠而論事必達於大體文

真德秀曰大臣以正理事君君之所行有不合正理者

必規之拂之不苟從也拂薄密切

人臣之義以忠直為本並大學衍義

心學曰君臣之間情意相通每事得盡誠言之然必使

善出于上已無與焉則為善矣與去聲

勤

書武王曰越在外服侯甸男衛邦伯越在內服百僚庶尹

惟亞惟服宗工越百姓里居罔敢渎于酒不惟不敢

亦不暇惟助成王德顯越尹人祗辟外服則有侯甸

男衛諸侯與其長伯在內服則有百僚庶尹惟亞惟

服宗工國中百姓與夫里居者亦皆不敢沉湎于酒

不惟不敢亦不暇不敢者有所畏不暇者有所勉惟

欲上以助成君德而使之昭著下以助尹人祗辟而

使之益不怠耳周書

成王命君陳曰惟日孜孜無敢逸豫周書

詩曰亶亶申伯王績之事于邑于謝南國是式臺無匪切

臺臺勉強之貌績勉也使建其先世之事也邑國

都之虞也謝在今鄧州武使諸侯以為之法也大雅

能為篇  
既上聲

既明且哲以保其身夙夜匪懈以事一人

明謂明於理哲謂察

於事保身順理以守身也懈怠也一人天子也大雅卷八篇

春秋左氏傳鄭子產曰政如農功日夜思之思其始而成

其終朝夕而行之行無越思如農之有畔其過鮮矣

鮮上聲○政之治民如農之治田日以晝夜欲興利而除害思始而成終朝夕勤以行之也行無越思不敢過於思也為政次序如農之有畔際可以寡過矣事公二十五章

廉

書穆王命伯冏曰非人其吉惟貨其吉若時瘝厥官瘝姑

○言不惟其人之善而惟以貨賄為善則是曠厥官則書冏命

孟子曰。可以取。可以無取。取傷廉。

先言可以者。畧見而自許之辭也。後言可以無

者。深察而自疑之辭也。辭與名

新序子罕曰。我以不貪為寶。

介子推曰。爭而得財。廉士不受也。並士篇

文中子曰。廉者常樂而無求。王道篇。樂音洛。

蜀王宗弁曰。廉者足而不憂。通鑑綱目

唐蘇瓌曰。清身檢下。無使邪隙微開。貨流於下矣。戒子通錄。

乞逆切

宋歐陽脩曰。有所不足之謂廉。有所不為之謂耻。文集

真德秀曰。儉者廉之本。廉者行之先。明善錄。行胡孟切。



心學曰。為官以潔己奉公為先。不可有一毫利己之心。  
守得定。無私欲。心下自然舒泰。

謹

書成王曰。居寵思危。罔不惟畏。弗畏入畏。居寵盛則思危。辱當無所不致。

其祗畏。苟不知祗畏。則入於可畏之中矣。周書則官。

禮記子曰。君子慎以避禍。君子戒謹。萬恭皆非有為而為之也。是言亦曉人知避困辱之

道耳。朱記。○有為之為。去聲。下如字。

春秋左氏傳。晉周子曰。共而從君。神之所福也。○共與恭同。

君而從其命。鬼神之所祐也。成公十八年。

論語子曰。必也臨事而懼。好謀而成者也。○好去聲。○懼。謂敬其事。成。謂成。

其謀。述  
而篇

荀子曰。言有召禍也。行有召辱也。君子其慎所立乎。  
即所

謂學也。  
勸學篇

主尊貴之。則恭敬而傳。主信愛之。則謹慎而嘵。  
傳與  
嘵同

卑退也。嘵與歎同。不足也。  
言不敢自謙也。仲尼篇

謹慎利也。鬪怒害也。故君子安禮樂利。謹慎而無鬪

怒。是以百舉不過也。  
臣道篇。  
樂音洛

凡流言流說流事。流謀流譽。流愬不官而衡至者。君

子慎之。  
衡音橫。去聲。○流者。無根源之謂。愬。猶也。不  
官。謂無主首者。衡。讀為橫。橫至。橫逆而至也。

致仕  
篇

說苑曾子曰官怠於宦成病加於小愈禍生於懈惰孝衰

於妻子察此四者慎終如始

正諫篇

宋蘇軾曰慎重則必成輕發則多敗

文集

心學曰凡事不可以易視之事雖小亦要用心關防處

置凡事要敬不可有忽心亦不可有怠心處事要合

人心順天道

易以鼓切  
處去聲

# 聖學心法卷四